

左傳輯釋

四

評  
209  
4



伊 12  
門 209  
卷 4



左傳輯釋卷四

日南 安井衡 著

閔公

名啓方、莊公之子、諡法在國遭難曰閔

經元年春王正月齊人救邢夏六月辛酉葬我君莊  
公秋八月公及齊侯盟于落姑落姑齊地季子來歸

季子公子友之字季子忠於社稷為國人所思故賢

而字之齊侯許納故曰歸衡案傳云公請齊侯復季

之尤盛者故冬齊仲孫來仲孫齊大夫以事出疆因

書曰來歸來省難非齊侯命故不稱使也還使齊侯務寧魯亂

故嘉而字之來者事實省難其志也故經但書仲孫

之來而傳尋仲孫之志

傳元年春不書即位亂故也國亂不得成禮衡案即位

大禮國雖亂無不得成之理蓋繼弒君者不行即位之禮以禮先君所以伸臣子之情也唯桓與弒

君之謀蓋謂隱攝位而已為惠公大子即位固當故公然行即位之禮聖人從而書之以顯其篡弒

之罪矣他繼弒君而不行即位之禮者禮固當然亂故謂此非以國亂不得成禮也狄人伐

邢狄伐邢在往年冬管敬仲言於齊侯曰戎狄豺

狼不可厭也敬仲管夷吾諸夏親暱不可棄也諸

夏中國也暱近也衡案夏大也謂中國諸夏猶言諸侯此對戎狄故曰諸夏宴

安酖毒不可懷也以宴安比之酖毒詩云豈不懷

歸畏此簡書詩小雅也文王為西伯勞來諸侯

之詩簡書同惡相恤之謂也同恤所惡請救邢以

從簡書齊人救邢夏六月葬莊公亂故是以緩十

一月乃葬秋八月公及齊侯盟于落姑請復季友

也閔公初立國家多難以季子忠賢故請霸主而

復之衡案慶父與齊謀立閔公遂專魯權季友雖與慶父兄弟忠姦異志公力不能召故請齊

復之齊侯許之使召諸陳公次于郎以待之非師旅

之事故不書次季子來歸嘉之也冬齊仲孫湫來

省難湫仲孫名書曰仲孫亦嘉之也仲孫歸曰不

去慶父會難未已時慶父亦還魯公曰若之何而

去之對曰難不已將自斃斃路也君其待之公曰

魯可取乎對曰不可猶秉周禮周禮所以本也臣  
 聞之國將亡本必先顛而後枝葉從之魯不棄周  
 禮未可動也君其務寧魯難而親之親有禮因重  
 固能重能固則當就成之衡案因仍也重不可動也固不可破也  
 不可破則仍而不革之間攜貳離而相疑者則當因而間之  
 覆昏亂覆敗也霸王之器也霸王所用故以器為  
 喻晉侯作二軍晉本一軍見莊十六年公將上軍  
 大子申生將下軍趙夙御戎畢萬為右為公御右  
 也夙趙衰兄畢萬魏犇祖父惠棟云案世本公明生孟及趙夙夙生成  
李衰史記以衰為夙之孫晉語以為夙之弟無緣繆戾至此且夙與衰世次相懸不應為兄弟必傳

寫之譌史記所見異辭當以世本為正以滅耿滅霍滅魏平陽皮氏

縣東南有耿鄉永安縣東北有霍大山三國皆姬  
 姓還為大子城曲沃賜趙夙耿賜畢萬魏以為大  
 夫士為曰大子不得立矣分之都城而位以卿先  
 為之極服虔云言其祿位極盡於此又焉得立位以卿謂將下  
 軍不如逃之無使罪至為吳大伯不亦可乎大伯  
 周大王之適子知其父欲立季歷故讓位而適吳  
 猶有令名與其及也言雖去猶有令名勝於留而  
 及禍且諺曰心苟無瑕何恤乎無家天若祚大子  
 其無晉乎為晉殺申生傳卜偃曰畢萬之後必大

卜偃晉掌卜大夫萬盈數也魏大名也以是始賞  
 天啓之矣天子曰兆民諸侯曰萬民今名之大以  
 從盈數其必有衆以魏從萬有衆象初畢萬筮仕  
 於晉遇屯☵震下坎上屯之比☵坤下坎上比屯  
 初九變而為比辛廖占之曰吉辛廖晉大夫正義  
云若在晉國而筮何得筮仕於晉又辛甲辛有並  
是周人何故辛廖獨為晉大夫衡案劉說是也  
 屯固比入吉孰大焉其必蕃昌屯險難所以為堅  
 固比親密所以得入震為土震變為坤車從馬震  
 為車坤為馬足居之震為足兄長之震為長男母  
 覆之坤為母衆歸之坤為衆六體不易初一爻變

有此六義不可易也合而能固安而能殺公侯之  
 卦也比合屯固坤安震殺故曰公侯之卦衡案震  
之可畏者莫殺戮公侯之子孫必復其始萬畢公  
若焉故引伸為殺高之後傳為魏之子孫衆多張本衡案萬畢本或  
誤倒今從足利

本淳熙  
本宋本

經二年春王正月齊人遷陽無傳陽國名蓋齊人偪

徙之惠棟云地理志東海都陽縣注應劭曰春秋齊  
陽故陽國是一國兩屬未詳孰是馬宗璉云城陽  
都縣應劭已明言此故陽國是為陽之舊都其後齊  
人遷之是自城陽陽都遷於東海都陽故應注都為  
齊人所遷鄆元水經注亦以陽都為陽故國齊人利  
其地而遷之與應說同衡案馬說夏五月乙酉吉禘  
是也注都下當脫陽字姑依原本

于莊公三年喪畢致新死者之主於廟廟之遠主當  
遷入祧因是大祭以審昭穆謂之禘莊公喪制未闕  
時別立廟廟成而吉祭又不於大廟故詳書以示譏

衡案三年之喪二十五月而終中月禘既禘始就純  
吉莊公以三十二年八月薨至此二月是未可  
禘也故經書曰吉禘于莊公以譏其非禮而傳釋之  
曰速也餘禘合禮故直云于大廟若此曰禘于大廟  
不見未可禘之意故變文以明非禮耳若五廟之外  
別為莊公立廟其失禮甚於刻桷丹楹經當特書之  
而傳亦必不獨以一速字釋之今皆不然秋八月辛  
則其於大廟審矣注時當為特字之誤也  
**秋八月辛**  
**丑公薨實弑書薨又不地者皆史策諱之**  
衡案公薨必地所以  
慎終也而弑君不地以見其弑夫人薨不地而僖元  
年書夫人姜氏薨于夷以見實為齊侯所殺義正相  
發所謂微而顯也杜以為為九月夫人姜氏孫于邾哀  
史策諱之淺乎其言之也

**姜外淫故孫稱姜氏**  
正義賈服之說皆以為文姜殺子罪  
夫罪重故去姜氏哀姜殺子罪  
輕故不去姜氏衡案杜對莊元年夫人孫于齊立說  
故云哀姜外淫謂其罪輕於鳥獸行故稱姜氏案姜

齊姓文姜齊女與其兄淫謀殺桓公故經不稱姜氏  
傳釋之曰絕不為親禮也是絕齊不為親非絕文姜  
也賈服及杜皆不通此義以稱姜氏與否定  
二姜之罪非經傳之意也說詳於莊元年  
**公子慶**

**父出奔莒弑閔公故冬齊高子來盟無傳蓋高侯也**  
齊侯使來平魯亂僖公新立因遂結盟故不稱使也  
魯人貴之故不書名子男子之美稱衡案傳不釋者  
例可也

**十有二月狄入衛書入不能有其地例在襄十**  
三年鄭棄其師高克見惡久不得還師潰而克奔陳  
故克狀其事以告魯也衡案傳云師潰而歸則亦未  
棄其師也然鄭伯惡高克而

及其師久而弗召是棄之道也故書曰鄭棄其師此乃夫子特筆蓋鄭人告高克出奔夫子原其意以貶之所以明人君待臣撫民之道也若以告辭而已何以春秋為

傳二年春虢公敗犬戎于渭汭犬戎西戎別在中

國者渭水出隴西東入河水之隈曲曰汭衡案水內曰汭

渭水入河其地在二水之內故名渭汭耳舟之僑曰無德而祿殃也殃

將至矣遂奔晉舟之僑虢大夫夏吉禘于莊公速

也衡案言速故書曰吉禘于莊公初公傳奪卜齧田公不禁卜齧

魯大夫也公即位年八歲知愛其傅而遂成其意

以奪齧田齧忿其傅并及公故慶父因之秋八月

辛丑共仲使卜齧賊公于武闈宮中小門謂之闈

成季以僖公適邾僖公閔公庶兄成風之子共仲

奔莒乃入立之以賂求共仲于莒莒人歸之及密

使公子魚請密魯地琅邪費縣北有密如亭公子

魚奚斯也馬宗彙云酈元曰時密水出時密山莒地非魯地莒人歸共仲於魯及密而死是也杜

地非魯地不許哭而往共仲曰奚斯之聲也乃縊慶

父之罪雖重季子推親親之恩欲同之叔牙存孟

氏之族故略其罪不書殺又不書卒衡案慶父弑君之賊季友

不能正其罪而誅之春秋沒其死而不書所閔公

哀姜之姊叔姜之子也故齊人立之共仲通於哀

姜哀姜欲立之閔公之死也哀姜與知之故孫于

邾齊人取而殺之于夷以其尸歸為僖元年齊人  
 殺哀姜傳夷魯地僖公請而葬之哀姜之罪已重  
 而僖公請其喪還者外欲固齊以居厚因存母子  
 不絕之義為國家之大計成季之將生也桓公使  
 卜楚丘之父卜之卜楚丘魯掌卜大夫曰男也其  
 名曰友在公之右在右言用事間于兩社為公室  
 輔兩社周社亳社兩社之間朝廷執政所在正義  
傳曰亳社者亳之社也亳亡國也亡國之社以為  
廟屏戒也則亳社在宗廟之前也周禮小宗伯掌  
建國之神位右社稷左宗廟衡案亳社殷社也定  
六年傳陽虎又盟公及三桓於周社盟國入于亳  
社周社即魯社對亳社立言故曰周社杜依用彼  
文故亦言周社耳外朝在雉門外間於兩社治朝

雖在雉門內與兩社相季氏亡則魯不昌衡案季  
去不遠亦可以言間矣  
之辭凡傳未生而稱氏未死而舉諡欲  
使後人易知故改舊文耳餘皆放此  
 大有☰乾下離上大有之乾☰乾下乾上乾曰同  
 復于父敬如君所筮者之辭也乾為君父離變為  
 乾故曰同復於父見敬與君同及生有文在其手  
 曰友遂以命之遂以為名冬十二月狄人伐衛衛  
 懿公好鶴鶴有乘軒者軒大夫車正義服虔云將  
車有藩曰軒  
 戰國人受甲者皆曰使鶴鶴實有祿位余焉能戰  
 公與石祁子玦與甯莊子矢使守莊子甯速也玦  
 玉玦曰以此贊國擇利而為之贊助也玦示以當



決斷矢示以禦難與夫人繡衣曰聽於二子取其  
 文章順序渠孔御戎子伯為右黃夷前驅孔嬰齊  
 殿傳言衛侯失民有素雖臨事而戒猶無所及及  
 狄人戰于熒澤衛師敗績遂滅衛此熒澤當在河  
 北君死國散經不書滅者狄不能赴衛之君臣皆  
 盡無復文告齊桓為之告諸侯言狄已去言衛之  
 存故但以入為文惠棟云詩載馳序云衛懿公為  
 狄人所滅鄭箋云滅者懿公死  
 也閻百詩曰下文狄入衛方是入其國都孔疏傳  
 言滅而經書入引釋例為從齊桓告諸侯之文殊  
 不然衛案衛國雖滅狄不能有其地不日復廬於  
 曹社稷猶存故經從不地之例書入傳則詳序君  
 死民散之狀於文衛侯不去其旗惠棟云胡渭生  
 不得不言滅注鑿

以藏為去案鄢陵之戰是是以甚敗狄人囚史華龍  
 滑與禮孔以逐衛人二人曰我大史也實掌其祭  
 不先國不可得也夷狄畏鬼故恐言當先白神乃  
 先之至則告守曰不可待也守右甯二大夫夜與  
 國人出狄入衛遂從之又敗諸河衛將東走渡河  
 狄復逐而敗之初惠公之即位也少蓋年十五六  
 齊人使昭伯烝於宣姜不可強之昭伯惠公庶兄  
 宣公子頑也昭伯不可生齊子戴公文公宋桓夫  
 人許穆夫人文公為衛之多患也先適齊及敗宋  
 桓公逆諸河迎衛敗眾宵濟夜渡畏狄衛之遺民

男女七百有三十人益之以共滕之民為五千人

共及滕衛別邑立戴公以廬于曹廬舍也曹衛下

邑戴公名申立其年卒而立文公正義言一年卒者滅而復興不

是嗣位故成喪為諡今定本云其年卒惠棟云詩序曹字從水旁曹傳作曹古字省也衡案據正義

孔本作一許穆夫人賦載馳載馳詩衛風也許穆

夫人痛衛之亡思歸唁之不可故作詩以言志齊

侯使公子無虧帥車三百乘甲士三千人以戍曹

無虧齊桓公子武孟也車甲之賦異於常故傳別

見之歸公乘馬祭服五稱牛羊豕鷄狗皆三百與

門材歸遺也四馬曰乘衣單複具曰稱門材使先

立門戶歸夫人魚軒魚軒夫人車以魚皮為飾重

錦三十兩重錦錦之熟細者以二丈雙行故曰兩

三十兩三十匹也馬宗璉云觀禮重賜無數鄭注重猶善也鄭人惡高

克使帥師次于河上久而弗召師潰而歸高克奔

陳高克鄭大夫也好利而不顧其君文公惡之而

不能遠故使帥師而不召衡案惡高克而及其師久而弗召是棄之也傳

詳序之釋所以鄭人為之賦清人清人詩鄭風也

刺文公退臣不以道危國亡師之本晉侯使太子

申生伐東山臯落氏赤狄別種也臯落其氏族棟

云劉昭案上黨記曰東山在壺關城東南晉申生所伐今名平臯服虔曰赤狄之都也里克

諫曰天子奉冢祀社稷之粢盛里克晉大夫冢犬也衡案大祀謂宗廟欲下文言冢子故曰冢祀以朝夕視君膳者也膳

厨膳故曰冢子君行則守有守則從從曰撫軍守曰監國古之制也夫帥師專行謀帥師者必專謀

軍事誓軍旅宣號令也君與國政之所圖也非大子之事也國政正卿謂執國政者師在制命而

已命將軍所制稟命則不威專命則不孝故君之嗣適不可以帥師君失其官帥師不威將焉用之

大子統師是失其官也專命則不孝是為帥必不威也顧炎武云失官人之道衡案專命則君失其官稟命則不威二者無一可故云將焉用之

或云帥師是君之職而使大子為之是謂君失其官也不知軍率卿職天子六軍六卿將之大國三軍三卿將之雖君在軍必命卿當其器者以為將特制其謀略誓命耳若以帥師為君職則古之人君皆失其職矣不通古制而解古書不妄者鮮矣且臣聞臯落氏將戰君

其舍之公曰寡人有子未知其誰立焉不對而退見大子大子曰吾其廢乎對曰告之以臨民謂居

曲沃教之以軍旅謂將下軍不共是懼何故廢乎正義克謂不共臨民軍旅為懼矣何故憂其廢乎且子懼不孝無懼弗得

立脩己而不責人則免於難大子帥師公衣之偏衣偏衣左右異色其半似公服惠棟云服虔曰偏衣偏裳之衣偏異色駁不純袷在中左右各異故曰偏衣此說詳於杜襲即督也莊子緣督以為經佩之金

左傳 卷四  
玦以金為玦，狐突御戎，先友為右，狐突伯行，重耳外祖父也。為申生御，申生以天子將上軍，梁餘子養御罕夷，先丹木為右，罕夷晉下軍卿也。梁餘子也，尉，軍尉。先友曰：衣身之偏，偏半也。握兵之要，謂佩金玦將上軍，在此行也。子其勉之，偏躬無慝，分身衣之半，非惡意也。兵要遠災，威權在己，可以遠害。親以無災，又何患焉？狐突歎曰：時事之徵也。歎以先友為不知君心，衣身之章也。章貴賤，佩衷之旗也。旗表也，所以表明其中心，故敬其事則命。

以始賞以春夏，服其身則衣之純，必以純色為服。

衡案服亦用也。用其衷則佩之度，衷中也，佩玉者士君子

常度。顧炎武云：劉奉世曰：佩之合法度也。記曰：世子佩瑜玉，而綦組綬。今命以時

卒，闕其事也。冬十二月，闕盡之時。陸粲云：闕，閉也。幽也。言不章濟。

其事也。衡案闕，說文閉門也。謂使其事不得通達焉。衣之危服，遠其躬也。危

雜色。佩以金玦，棄其衷也。服以遠之時，以闕之危

涼冬殺金寒玦，離胡可恃也。寒涼殺離，言無溫潤

玦如環而缺不連。惠棟云：說文引作玦，掠云：玦，牲

衣之不純者，不得為大子。若以危為涼，義無所取。

古文省少，或借涼為掠。沈彤云：案廣韻：掠，牛駁雖欲勉之，狄可盡乎？梁餘

色蓋說文脫駁色二字。雖欲勉之，狄可盡乎？梁餘

子養曰帥師者受命於廟受脤於社脤宜社之肉盛以脤器有常服矣不獲而危命可知也韋弁服軍之常也危偏衣死而不孝不如逃之罕夷曰危奇無常雜色奇怪非常之服金玦不復雖復何為君有心矣有害大子之心顧炎武云人臣賜玦則去故曰不復惠棟云荀卿子曰絕人以玦衡案獻公寵驪姬欲廢大子而立其子觀其語里克之言可見矣君有心謂此耳先丹木曰是服也狂夫阻之阻疑也言雖狂夫猶知有疑夫猶難服之狂敵而反曰公辭敵可盡乎雖盡敵猶有內讒不如違之違去也狐突欲行行亦去也羊舌大夫曰不

可違命不孝棄事不忠雖知其寒惡不可取子其死之寒薄也大子將戰狐突諫曰不可昔辛伯諗周桓公諗告也事在桓十八年云內寵並后外寵二政嬖子配適大都耦國亂之本也周公弗從故及於難今亂本成矣驪姬為內寵二五為外寵奚齊為嬖子曲沃為大都故曰亂本成矣陸燾云古聞皆取其大致不必事事符同祗取內寵嬖子二事杜說誠大拘矣顧炎武云曲沃即申生所居豈可謂其生亂乎惠棟云說文諗深諫也衡案立可二政謂與政卿並用事詳見于桓十八年必乎孝而安民子其圖之奉身為孝不戰為安民與其危身以速罪也有功益見害故言孰與危身

以召罪成風聞成季之繇乃事之成風莊公之妾  
僖公之母也繇卦兆之占辭而屬僖公焉故成季

立之僖之元年齊桓公遷邢于夷儀二年封衛于

楚丘邢遷如歸衛國忘亡忘其滅亡之困衛文公

大布之衣大帛之冠大布麤布大帛厚繒蓋用諸

侯諒闇之服陸祭云此特言其儉朴耳何必是諒  
闇之服惠棟云鄭康成引作白云大

白冠大古之布冠也衡案古未聞以  
繒為冠况敢為喪冠乎鄭說是也務材訓農通

商惠工加惠於百工賞其利器用敬教勸學授方

任能方百事之宜也  
云衡案勸宋本作勤正義  
云勸民學問勸字是也元年

革車三十乘季年乃三百乘衛文公以此年冬立

齊桓公始平魯亂故傳因言齊之所以霸衛之所

由興革車兵車季年在僖二十五年蓋招懷逆散

故能致十倍之衆

左傳輯釋卷四終

彦根

成瀨實伯功  
澀谷啓子發

校字

左傳輯釋卷五

日南 安井衡 著

僖公

名申、莊公之子、閔公之兄、諡法、小心畏忌曰僖

經元年春王正月齊師宋師曹師次于聶北救邢齊

帥諸侯之師救邢次于聶北者案兵觀釁以待事也

次例在莊三年聶北邢地正義釋例曰所記或次在

事後事成而次也皆隨事實無義例也衡案次在事

後者案兵觀釁或畏敵不敢進故多為貶詞次在事

前者事由次而成故為褒詞傳云邢人潰出奔師師

遂逐狄人是非案兵觀釁又非畏敵不敢進邢人怯

弱不能待師至救邢之事實而褒貶在其中故傳舉事實

以釋之杜云案雖隨事實而褒貶在其中故傳舉事實

孔云無義例皆非也夏六月邢遷于夷儀邢遷如

歸故以自遷為辭夷儀邢地齊師宋師曹師城邢傳

例曰救患分災禮也一事而再列三國於文不可言

諸侯師故正義十四年諸侯城緣陵為其事有關故

事有闕總稱諸侯此若云諸侯之師城邢似為其

經以邢自遷為文與三國救邢若別事然故再列三

國耳諸侯城緣陵不秋七月戊辰夫人姜氏薨于夷

齊人以歸傳在閔二年不言齊人殺諱之書地者明

在外薨正義傳在閔二年者彼因孫于邾遂終言之

君薨地君不書地相照其義楚人伐鄭荆始改號

曰楚八月公會齊侯宋公鄭伯曹伯邾人于櫟櫟宋

地陳國陳縣西北有櫟城公及其會而不書盟還不

以盟告衡案既盟而公敗邾師于偃與不盟同故貶

辭比事之義也故傳釋下經曰公敗邾師于偃所謂屬

明邾人無罪而公背盟敗之經所以沒盟不書也

九月公敗邾師于偃偃邾地冬十月壬午公子友帥

師敗莒師于鄆獲莒挈鄆魯地挈莒子之弟不書弟

者非卿非卿則不應書嘉季友之功故特書其所獲

大夫生死皆曰獲獲例在昭二十三年中井積德云

弟者皆母弟然則挈是異母弟故不稱弟也凡稱

傳云非卿也喜獲之也是釋特書之意耳

十有二

月丁巳夫人氏之喪至自齊僖公請而葬之故告於

廟而書喪至也齊侯既殺哀姜以其尸歸絕之於魯

僖公請其喪而還不稱姜闕文萬斯大云氏不稱姜

者薨時已見省文從

左傳卷五



可知亦以別于生稱也凡夫人生時出入皆稱夫人某氏死後則稱諡如聲姜穆姜之類今哀姜喪歸欲稱其諡而未葬無之欲直稱夫人姜氏又疑與生時無異故去姜字以別之諸譏齊桓責魯僖之說皆非也

**傳元年春不稱即位公出故也國亂身出復入故**

**即位之禮有闕**衡案公出故經不稱即位之禮也**公出復入**

**不書諱之也諱國惡禮也掩惡揚善義存君親故**

**通有諱例皆當時臣子率意而隱故無深淺常准**

**聖賢從之以通人理有時而聽之可也**衡案子曰

子為父隱直在其中矣儀禮喪服曰昆弟之義無分然而有分者則辟子之私也子不私其父則不成為子臣私其君猶子私其父故曰諱國惡禮也此夫子特筆故傳詳言之杜以為率意而隱非經

傳之意也**諸侯救邢實大夫而曰諸侯總眾國之辭邢**

**人潰出奔師奔聶北之師也邢潰不書不告也**衡案

經書次于聶北救邢此次于聶北乃所以救邢故別不書邢潰也**師遂逐狄人具**

**邢器用而遷之師無私焉**皆撰具還之無所私取

衡案具邢器用而還之師無私焉實元夏邢遷于

**夷儀諸侯城之救患也凡侯伯救患分災討罪禮**

**也侯伯州長也分穀帛**秋楚人伐鄭鄭即齊故也

**盟于犂謀救鄭也**犂即檉也地有二名洛衡案春

秋之時會盟多異地此犂疑亦是別一地未可定為檉傳將釋經所以沒盟不書故不言會而言盟

**九月公敗邾師于偃虛丘之戍將歸者也**虛丘邾

地邾人既送哀姜還齊人殺之因成虛丘欲以侵魯公以義求齊齊送姜氏之喪邾人懼乃歸故公要而敗之李博云殺哀姜者齊人邾不必以是而始懼也何休云公怨邾以夫人與齊故敗之亦不合事情僖公之於哀姜非有母子之情也案左氏文簡服虔注本以虛邱為魯地或是邾人乘魯之亂取虛邱而戍之至是知其不可守舍之歸國故過魯而為魯所敗耳去古久遠難以已意逆斷要之何氏杜氏之說則灼見其非也衡案傳未有言兵所往者此言虛丘之戍將歸者明邾師不侵魯也公八月與邾盟于櫟而九月敗其師於偃其曲在魯雖盟猶不盟故傳言此以釋櫟冬昔人來求會所以不書盟之義也杜注鑿甚

賂求還慶父之賂公子友敗諸鄆獲昔子之弟挈非卿也喜獲之也昔既不能為魯討慶父受魯之

賂而又重來其求無厭故嘉季友之獲而書之公

賜季友汶陽之田及費汶陽田汶水北地汶水出

泰山萊蕪縣西入濟夫人氏之喪至自齊君子以

齊人殺哀姜也為已甚矣女子從人者也言女子

有三從之義在夫家有罪非父母家所宜討也衡案

言女子雖為惡不能自為首謀必從人而為之罪有首從當幽閉之殺之則已甚矣元年傳云閔公之死也哀姜與知之言與知之則其非首謀可知矣

經二年春王正月城楚丘楚丘衛邑不言城衛衛未

遷衛案楚丘大都以名通故不係之衛若言城衛夏

五月辛巳葬我小君哀姜無傳反哭成喪故稱小君

例在定十五年，虞師晉師滅下陽。下陽，虢邑，在河東

大陽縣。晉於此始赴見經。滅例在襄十三年。衡案：襄

傳云：用大師焉。曰滅，昭十三年。吳滅州來，州來邑也。而亦曰滅，與毀其宗廟社稷曰滅，別是一義。故此亦

言滅也。秋九月，齊侯宋公江人黃人盟于貫。貫，宋地，梁

國蒙縣西北有貫城。貫與貫字相似。江國在汝南安

陽縣。齊召南云：莊十九年傳，遂伐黃。杜注：黃，嬴姓國，今戈陽縣。冬十月，不雨。傳在

三年，楚人侵鄭。

傳二年春，諸侯城楚丘而封衛焉。君死國滅，故傳

言封，衡案：衛為狄所敗，去其舊都，渡河而南，都邑

城，使可得而守，故云封衛焉。先儒以封為天子封諸侯之封，遂責齊桓專封，大謬。不書所

會後也。諸侯既罷而魯後至，諱不及期，故以獨城

為文。晉荀息請以屈產之乘，與垂棘之璧，假道於

虞以伐虢。荀息，荀叔也。屈地，生良馬。垂棘，出美玉。

故以為名。四馬曰乘。自晉適虢，途出於虞，故借道。

公曰：是吾寶也。對曰：若得道於虞，猶外府也。公曰：

宮之奇存焉。宮之奇，虞忠臣。對曰：宮之奇之為人

也，懦而不能強諫，懦弱也。且少長於君，君暱之。雖

諫將不聽，親而狎之，必輕其言。乃使荀息假道於

虞，曰：冀為不道，入自顛軫，伐鄭三門。前是冀伐虞

至鄭，鄭虞邑。河東大陽縣東北有顛軫坂。正義：服虔以為

冀為不道，伐鄭三門，謂冀伐晉也。冀之既病，亦唯君故。謂虞助晉也。將欲假道，稱前恩以誘之。沈彤云：益稱虞之言，易入報讐。雪恥以引起己之請罪於水。使假道之說，入解云：稱其強，誤馬宗。韃云：水經注引土地名，河東皮氏縣，冀亭，古之冀所都。是冀為一國之證。鄭元曰：傳巖東北十餘里，即巖幹坂。說文：鄭晉邑，郡國志補注：服虔曰：鄭晉別都。冀衡案：服說與說文合。沈說雖通，當以服說為正。冀

之既病，則亦唯君故。言虞報伐冀使病，將欲假道，故稱虞彊以說其心。冀國名，平陽皮氏縣東北有冀亭，今號為不道，保於逆旅。逆旅客舍也。號稍遣人，分依客舍，以聚眾，抄晉邊邑。顧炎武云：邵氏曰：逆旅，近晉南鄙之客舍也。出則侵，退則保。以侵敵邑之南鄙，敢請假道，以請罪于號。問號伐己以何罪，虞公許之。且請先伐號，喜

於厚賂，而欲求媚。宮之奇諫不聽，遂起師。夏，晉里克荀息帥師會虞師伐號，滅下陽。晉猶主兵，不信

虞。顧炎武云：請先伐號者，為之導也。晉以師會之，未見晉不信虞之意。衡案：虞請先伐號，則非直為導而已。然虞國小兵寡，不能獨伐號。故二帥往會其師，俱伐號耳。二說皆非。先書虞賄

故也。虞非倡兵之首，而先書之，惡貪賄也。秋盟于貫服，江黃也。江黃，楚與國也。始來服齊，故為合諸

侯。齊寺人貂始漏師于多魚。寺人，內奄官。豎貂也。多魚，地名。闕齊桓多嬖寵，內則如夫人者六人，外

則幸豎貂、易牙之等，終以此亂國。傳言貂於此始擅貴寵，漏洩桓公軍事，為齊亂張本。號公敗我于

桑田桑田，號地，在弘農陝縣東北。晉卜偃曰：號必

亡矣。亡下陽不懼，而又有功，是天奪之鑿鑿。所以

自照而益其疾也。驕則生疾。衡案：疾，患也。號公之患，在驕不脩德。必

易晉而不撫其民矣。不可以五稔。稔，熟也。為下五

年。晉滅虢。張本。衡案：穀熟曰稔。義與年同。冬，楚人伐鄭鬬章。囚

鄭聃伯。經書侵，傳言伐。本以伐興，權行侵掠。為後

年楚伐鄭。鄭伯欲成。張本。

經三年春，王正月，不雨。夏四月，不雨。一時不雨，則書

首月。傳例曰：不曰旱，不為災。徐人取舒，無傳。徐國在

下邳，僮縣東南。舒國，今廬江舒縣。勝國，而不用大師。

亦曰取。例在襄十三年六月雨，示旱不竟。夏，秋，齊侯

宋公、江人、黃人會于陽穀。陽穀，齊地，在東平須昌縣

北。冬，公子友如齊涖盟。涖，臨也。楚人伐鄭。

傳三年春，不雨。夏六月，雨。自十月不雨，至于五月

不曰旱，不為災也。周六月，夏四月，於播種五稼無

損。秋會于陽穀，謀伐楚也。二年楚侵鄭，故齊侯為

陽穀之會，來尋盟。冬，公子友如齊涖盟。公時不會

陽穀，故齊侯自陽穀遣人詣魯求尋盟。魯使上卿

詣齊受盟，謙也。楚人伐鄭，鄭伯欲成。孔叔不可，曰

齊方勤我。孔叔，鄭大夫，勤恤鄭難，棄德不祥。祥，善

也。衡案詳齊侯與蔡姬乘舟于囿，蕩公蔡姬，齊侯

夫人蕩搖也。囿，苑也。蓋魚池在苑中。公懼變色，禁

之不可，公怒歸之，未之絕也。蔡人嫁之，為明年齊

侵蔡傳，衡案本或作未絕之也。今從石經，宋本淳熙本。

經四年春，王正月，公會齊侯、宋公、陳侯、衛侯、鄭伯、許

男、曹伯，侵蔡，蔡潰，民逃。其上曰潰，例在文三年。遂伐

楚，次于陘，遂兩事之。辭，楚強，齊欲綏之以德，故不速

進而次陘。陘，楚地。潁川，召陵縣南有陘亭。夏，許男新

臣卒，未同盟而赴，以名。楚屈完來盟于師，盟于召陵。

屈完，楚大夫也。楚子遣完如師，以觀齊。屈完觀齊之

盛，因而求盟，故不稱使。以完來盟為文。齊桓退舍以

禮。楚故盟召陵，召陵，潁川縣也。齊人執陳轅濤塗，轅

濤塗，陳大夫。秋，及江人黃人伐陳，受齊命討陳之罪，

而以與謀為文者。時齊不行，使魯為主，與謀例在宣

七年。八月，公至自伐楚。無傳，告于廟。葬許穆公。冬，十

有二月，公孫茲帥師會齊人、宋人、衛人、鄭人、許人、曹

人侵陳。公孫茲，叔牙子叔孫戴伯。

傳四年春，齊侯以諸侯之師侵蔡，蔡潰，遂伐楚楚。

子使與師言曰：君處北海，寡人處南海，唯是風馬

牛不相及也。楚界猶未至南海，因齊處北海，遂稱

所近牛馬風逸蓋末畀之微事故以取喻正義服  
 放也牛謂馬相誘謂之風尚書稱馬牛其風此言風  
 馬牛謂不相及故以取喻不相干也衡案吳楚之戰  
 起於爭桑牝牡相誘以攘之亦類也故楚子言此  
 以詰齊所以出師注疏極是陸粲引馬永卿為醜  
 詆之辭李惇謂言相去之遠君處北海寡人處南  
 海言遠極矣何必待更言風馬牛而後始知其遠  
 哉且馬牛風逸不有過十里者又不可以言遠也  
 陸云馬牛之風猶不相及今汝人**不虞君之涉吾**  
 也而輒入吾地何也其謬尤甚

**地也何故管仲對曰昔召康公命我先君大公召**  
**康公周大保召公奭也曰五侯九伯女實征之以**  
**夾輔周室五等諸侯九州之伯皆得征討其罪齊**  
**桓因此命以夸楚**正義鄭玄以為周之制每州以

侯十八伯大公為東西大伯中分天下者當各統  
 四侯半一侯不可分故言五侯其伯則各有九耳  
 王引之云邶風旄丘正義引服虔注曰五侯公侯  
 伯子男九伯九州之長案王制曰畿內之州八伯鄭志  
 張逸問曰九州而八伯者何答曰畿內之州不置  
 伯然則方伯唯八州有之不得言九伯也今案侯  
 伯謂諸侯而言天命者五等之爵公侯伯子男曰侯  
 伯者舉中而言天下之侯不止於五伯亦不止於侯  
 九而曰五侯九伯者謂分居五服之侯散列九州  
 之伯若堯典五刑有服謂之五服五服之侯有宅謂之  
 五宅禹貢九州之山川謂之九州有宅謂之九州  
 伯言九互交耳五服即九州也衡案五謂爵九謂  
 九州非立言之體故鄭下交賜我先君履東至于海  
 西至于河南至穆陵北至于無棣其命大皆陝  
 以東之地則五侯九伯女實征之乃成王命大為  
 為東伯時之言故下文又云夾輔周室明大公為  
 東伯與西伯俱輔周室故言夾輔鄭說洵不誣  
 焉孔穎達從杜說以穆陵無棣等為齊境故未達  
 鄭意耳王以五服九州之侯伯果然其權太重

與天子無異，非聖王立官之法也。直賜我先君履，解其文而不考諸道，不謬者鮮矣。

東至于海，西至于河南，至于穆陵，北至于無棣，穆

陵，無棣，皆齊竟也。履，所踐履之畀。齊桓又因以自

言其盛。陸粲云：史記司馬負注云：今淮南有故穆

為大公受封境，不然也。爾貢包茅不入，王祭不共，

蓋言其征伐所至之域。爾貢包茅不入，王祭不共，

無以縮酒，寡人是徵。包，裹束也。茅，菁茅也。束茅而

灌之，以酒為縮酒，尚書包匭菁茅，茅之為異未審，

正義郊特牲云：縮酒用茅。鄭玄云：沛之以茅，縮去

滓也。杜用鄭與之說，惠士奇云：韓非子外儲說曰：是時楚之菁茅不貢於天子三年矣。衡案：縮酒後

鄭說，是也。封禪書云：江淮之間，一茅三脊，所以為藉也。楚所貢也。昭王南征而不復，寡人是問。昭王成

王之孫，南巡守，涉漢，舩壞而溺。周人諱，而不赴諸

侯，不知其故，故問之。正義舊說皆言漢濱之人以膠膠舩，故得水而壞。昭王溺

焉，不知本出何書。顧炎武云：齊侯以為楚罪而問

之，齊召南云：趙汭補注云：帝王世紀，昭王德衰，南

征，濟于漢，舩人惡之，以膠舩進，中流膠解，王及

祭公皆沒於水中也。衡案：舩板極厚，王所乘，其舩

又必大，非膠力所能膠。對曰：貢之不入，寡君之罪也。敢不共給。昭王之不復，君其問諸水濱。昭王時，

漢非楚竟，故不受罪。師進次于徑，楚不服罪，故復

進師。夏，楚子使屈完如師，如徑之師，觀強弱。師退

次于召陵，完請盟。故齊侯陳諸侯之師，與屈完乘

而觀之，乘共載。齊侯曰：豈不穀是為先君之好是

左傳卷五 卷五 九



繼與不穀同好如何言諸侯之附從非為己乃尋

先君之好謙而自廣因求與楚同好孤寡不穀諸

侯謙稱對曰君惠徼福於敝邑之社稷辱收寡君

寡君之願也齊侯曰以此眾戰誰能禦之以此攻

城何城不克對曰君若以德綏諸侯誰敢不服君

若以力楚國方城以為城漢水以為池方城山在

南陽葉縣南以言竟土之遠漢水出武都至江夏

南入江言其險固以當城池釋文漢以為池本或

字臧琳云注云方城山在南陽葉縣南漢水出武

都至江夏南入江則方城者山名漢者水名傳文

漢不言水猶方雖眾無所用之王念孫云雖眾本

城之不言山也

作雖君之眾

屈完及諸侯盟陳轅濤塗謂鄭申侯

曰師出於陳鄭之間國必甚病申侯鄭大夫當有

供給之費故若出於東方觀兵於東夷循海而歸

其可也東夷鄭莒徐夷也觀兵示威申侯曰善濤

塗以告齊侯許之許出東方申侯見曰師老矣若

出於東方而遇敵懼不可用也若出於陳鄭之間

共其資糧扉屨其可也扉草屨齊侯說與之虎牢

還以鄭邑賜之執轅濤塗秋伐陳討不忠也以濤

上文以此眾戰以此攻城而言故曰雖君之眾無

所用之唐石經脫去君之二字則文義不明而各

本皆沿其誤商頌殷武正義周官大司馬疏文選

西征賦注白帖五十三五十八大平御覽州郡部

十四引此並

作雖君之眾

塗為誤軍道許穆公卒于師葬之以侯禮也男而  
以侯禮加一等凡諸侯薨于朝會加一等諸侯命  
有三等公為上等侯伯為中等子男為下等死王  
事加二等謂以死勤事於是有以袞斂袞衣公服  
也謂加二等冬叔孫戴伯帥師會諸侯之師侵陳  
陳成歸轅濤塗陳服罪故歸其大夫戴謚也初晉  
獻公欲以驪姬為夫人卜之不吉筮之吉公曰從  
筮卜人曰筮短龜長不如從長物生而後有象象  
而後有滋滋而後有數龜象筮數故象長數短正  
筮數以上皆十五年傳文案易繫辭云著之德圓  
而神卦之德方以智神以知來智以藏往然則知

來藏往是為極妙雖龜之長無以加此聖人演筮  
以為易所知豈短於卜卜人欲令公舍筮從卜故  
云筮短龜長非是龜能實長衡案參考諸書古人  
實以龜為長若古無此義卜人欲以一時權宜使  
晉侯舍筮從卜勢必不能且疇人輩各重其業必  
不妄誕以亂其名蓋周公既沒易理不甚明於世  
其義又少故當時最貴龜及仲尼作十翼以闡明  
其疑龜長之且其繇曰專之渝攘公之瑜繇卜兆  
為權辭耳且其繇曰專之渝攘公之瑜釋義  
辭渝變也攘除也瑜美也言變乃除公之美正義  
云夏羊牡瑜牝殺則瑜是羊之名美善之字皆從  
羊故瑜為美也服虔云繇抽也抽出吉凶也陸粲  
云攘猶攘羊之攘言專愛之則能使公心變而攘  
奪其所美也衡案瑜讀如字牡羊也以喻公子杜  
臆說耳一薰一蕕十年尚猶有臭薰香草蕕臭草  
十年有臭言善易消惡難除必不可弗聽立之生

奚齊其娣生卓子及將立奚齊既與中大夫成謀

姬謂大子曰君夢齊姜必速祭之齊姜大子母言

求食衡案夢則情鍾故命大子祭于曲沃歸胙于

公胙祭之酒肉公田姬寘諸宮六日公至毒而獻

之毒酒經宿輒敗而經六日明公之惑公祭之地

地墳與犬犬斃與小臣小臣亦斃正義晉語說此

受胙乃寘醜於酒寘董於肉公至召申生獻公祭

地墳申生恐而出驪姬與犬肉犬斃飲小臣酒

亦斃此傳既畧當如國語也賈逵云董鳥頭也衡

案祭肉於地地未必墳可知其祭酒也犬不飲酒

可知其與肉也故姬泣曰賊由大子大子奔新城

省文不言酒肉耳新城曲沃衡案大子奔新城則公至召申生可知

氏傳既畧蓋未達左公殺其傅杜原款或謂大子子

辭君必辯焉以六日之狀自理大子曰君非姬氏

居不安食不飽我辭姬必有罪君老矣吾又不樂

吾自理則姬死姬死則君必不樂不樂為由吾也

衡案言君老矣本少所樂唯有姬氏居為之安食

為之飽吾若自理姬必獲罪是吾又不使君樂也

不可杜注可通曰子其行乎大子曰君實不察其

罪被此名也以出人誰納我十二月戊申縊于新

城姬遂譖二公子曰皆知之重耳奔蒲夷吾奔屈

二子時在朝為明年晉殺申生傳

經五年春晉侯殺其世子申生稱晉侯惡用讒書春

從告則閻若璩云春秋之經為聖人筆削純用周正傳

而不能盡革者讀猶可以意得之馬宗璉云此經

死在四年冬此傳用夏正之證經書在五年春此經

用周正之證衡案傳引舊典以論事例用夏時而不

月其記事用時者純用周正未嘗雜用夏正而

傳有參差不同者傳記事實從赴告者蓋以讒殺世

晉侯四年冬殺世子而五年春乃告者蓋以讒殺世

子心知其非因循不敢赴諸侯而其事不可得而掩

冀因赴告之詞以掩其非故至春乃赴經從赴而書

之春而傳先載其事於四年冬以釋之所以誅其

心也閻馬諸人反以此為傳用夏正之證淺矣

伯姬來朝其子無傳伯姬來寧寧成風也朝其子者

時子年在十歲左右因有諸侯子得行朝義而卒不

成朝禮故繫於母而曰朝其子夏公孫茲如牟叔孫

戴伯娶於牟卿非君命不越竟故奉公命聘於牟因

自為逆公及齊侯宋公陳侯衛侯鄭伯許男曹伯會

王世子于首止惠王太子鄭也不名而殊會尊之也

首止衛地陳留襄邑縣東南有首鄉秋八月諸侯盟

于首止間無異事復稱諸侯者王世子不盟故也王

之世子尊與王同齊桓行霸翼戴天子尊崇王室故

殊貴世子鄭伯逃歸不盟逃其師而歸也逃例在文

三年楚人滅弦弦子奔黃弦國在弋陽軹縣東南

之無傳冬晉人執虞公虞公貪璧馬之寶距絕忠諫

稱人以執同於無道於其民之例例在成十五年所

以罪虞且言易也晉侯脩虞之祀而歸其職貢於王故不以滅同姓為譏

傳五年春王正月辛亥朔日南至周正月今十一

月冬至之日日南極公既視朝遂登觀臺以望而

書禮也視朝親告朝也觀臺臺上構屋可以遠觀

者也朔旦冬至歷數之所始治歷者因此則可以

明其術數審別陰陽叙事訓民魯君不能常脩此

禮故善公之得禮衡案觀臺兩觀也兩觀在雉門

兩觀又稱觀臺或謂之門臺凡分至啓閉必書雲

物分春秋分也至冬夏至也啓立春立夏閉立秋

立冬雲物氣色災變也傳重申周典不言公者日

官掌其職正義劉炫規云書雲物亦是公親為之

衡案正月朔所書亦雲物分至啓閉公亦登為備

故也素察妖祥逆為之備晉侯使以殺太子申生

之故來告釋經必須告乃書初晉侯使士為為二

公子築蒲與屈不慎寘新焉不謹慎夷吾訴之公

使讓之譴讓之士為誓首而對曰臣聞之無喪而

感憂必讐焉讐猶對也顧炎武云讐應也如詩無

注鄭德云無我而城讐必保焉保而守之寇讐之

保又何慎焉守官廢命不敬固讐之保不忠失忠

與敬何以事君詩云懷德惟寧宗子惟城詩大雅

懷德以安則宗子之固若城衡案念念在德則國

固若君其脩德而固宗子何城如之言城不如固

宗子三年將尋師焉焉用慎尋用也退而賦曰狐

裘危茸一國三公吾誰適從士為自作詩也危茸

亂貌公與二公子為三言城不堅則為公子所訴

為公所讓堅之則為固讐不忠無以事君故不知

所從衡案三公本宗與二公子也士為謂世子必

廢晉侯既薨奚齊將興師伐蒲屈而今美城

之嚴然如君故謂之三公子言他日三公子必爭吾

將誰適從傳首載士為城蒲屈之事次載諫固宗

子之言次又言三年將尋師焉然後言一國三公

明所云適從者謂他日三公子分爭不知所從也

杜以二公子及奚齊未立而奔以吾誰適從為築

城不知所從果如其言蒲屈既築矣又何所從且

重耳不訴營築不慎又何言三公也若其言及難

不讐乃事變使之然其理則然故傳備錄之

公使寺人披伐蒲重耳曰君父之命不投乃徇曰

投者吾讐也踰垣而走披斬其袪遂出奔翟袪袂

也夏公孫茲如牟娶焉因聘而娶故傳實其事會

于首止會王太子鄭謀寧周也惠王以惠后故將

廢太子鄭而立王子帶故齊桓帥諸侯會王太子

以定其位陳轅宣仲怨鄭申侯之反已於召陵宣

仲轅濤塗故勸之城其賜邑齊桓所賜虎牢曰美

城之大名也子孫不忘吾助子請乃為之請於諸

侯而城之美樓櫓之備美設遂譖諸鄭伯曰美城

其賜邑將以叛也申侯由是得罪為七年鄭殺申

侯傳秋諸侯盟王使周公召鄭伯曰吾撫女以從

楚輔之以晉可以少安周公宰孔也王恨齊桓定

大子之位故召鄭伯使叛齊也晉楚不服於齊故

以鎮安鄭鄭伯喜於王命而懼其不朝於齊也

莊十七年齊人執鄭僂傳云鄭不朝也至此二十二年而猶未朝故懼故逃歸不盟

孔叔止之曰國君不可以輕輕則失親孔叔鄭大

夫親黨援也失親患必至病而乞盟所喪多矣君

必悔之弗聽逃其師而歸楚鬪穀於莒滅弦衛案

經作穀而各本弦子奔黃於是江黃道柏方睦於

齊皆弦姻也姻外親也道國在汝南安陽縣南柏

國名汝南西平縣有柏亭弦子恃之而不事楚又

不設備故亡晉侯復假道於虞以伐虢官之奇諫

曰虢虞之表也虢亡虞必從之晉不可啓寇不可

翫翫習也通衡案翫也一之謂甚其可再乎謂二年

假晉道滅下陽衡案謂本或諺所謂輔車相依唇

亡齒寒者其虞虢之謂也輔頰輔車牙車王念孫

齒寒取諸身以為喻也輔車相依則取諸車以為

喻也小雅正月篇其車既載乃棄爾輔正義曰為

車不言作輔此云乃棄爾輔則輔是可解脫之物

蓋如今縛杖於輻以防輔車也則車之有輔甚明

呂氏春秋權勳篇官之奇諫虞公曰虞之與虢也若車之有輔也車依輔輔亦依車虞虢之勢是也云若車之有輔則為載物之車而非車牙矣 公曰晉吾宗也豈害我哉

對曰大伯虞仲大王之昭也大伯不從是以不嗣

大伯虞仲皆大王之子不從父命俱讓適吳仲雍

支子別封西吳虞公其後也穆生昭昭生穆以世

次計故大伯虞仲於周為昭顧炎武云不從者謂

爾史記述此文曰大伯虞仲大王之子也大伯亡

去是以不嗣以亡去為不從其義甚明杜氏誤以

不從父命為解而後儒遂傳合魯頌之文謂大王

有翦商之志大伯不從此與秦檜之言莫須有者

何以虢仲虢叔王季之穆也王季者大伯虞仲之

母弟也虢仲虢叔王季之子文王之母弟也仲叔

皆虢君字為文王卿士勲在王室藏於盟府盟府

司盟之官將虢是滅何愛於虞且虞能親於桓莊

乎其愛之也桓莊之族何罪而以為戮不唯偏乎

桓叔莊伯之族晉獻公之從祖昆弟獻公患其偏

盡殺之事在莊二十五年親以寵偏猶尚害之況

以國乎公曰吾享祀豐絜神必據我據猶安也引王

之云據依也邶風柏舟篇亦有兄弟不可據毛

傳曰據依也周語曰民無據依晉語曰民各有心

無所據依皆其證也虞公謂神必依我故宮之奇

對曰鬼神非人實親惟德是依又曰神所馮依將

在德 對曰臣聞之鬼神非人實親惟德是依故周

書曰皇天無親惟德是輔周書逸書又曰黍稷非



馨明德惟馨馨香之遠聞又曰民不易物惟德馨

物黍稷牲玉無德則不見饗有德則見饗言物一

而異用君有德則服無德不暇不在易其物也故

下文云如是則非德民不和與民俱否則失之巫杜

兼論民者古之言神者必與民俱否則失之巫杜

以民不易物為享神之物則民如是則非德民不

不和上無所頂非也繫是也

和神不享矣神所馮依將在德矣若晉取虞而明

德以薦馨香神其吐之乎弗聽許晉使宮之奇以

其族行行去也曰虞不臘矣臘歲終祭眾神之名

惠棟云朱子曰秦時始有臘祭而左氏謂虞不臘

矣是秦時文字分明案御覽引舊注云臘祭名也

日月會于龍尾百物備合因于是祭羣神也正義

云月令孟冬臘門閭及先祖五祀臘之見於傳記

者唯月令與此二文而已秦本紀惠王十二年初

臘始自三十一更改臘曰嘉平應劭風俗通曰

案禮夏曰嘉平殷曰清祀周曰大蜡漢改曰臘此

云虞不臘者明當時有臘祭周時臘與蜡各為一

祭言漢改曰臘不蜡而為臘耳又案蔡邕月令章

句曰夏曰清祀殷曰嘉平周曰蜡棟案如應蔡之

說則三代本有清祀嘉平蜡臘之祭歷代因革故

嘉平是臘與嘉平皆三代祭名朱子以秦始有臘

祭考之不審耳衡案秦本紀惠王十二年初臘者

蓋秦間於戎狄百事不能如禮至是始能舉行臘

祭與諸夏同非謂諸夏本無臘秦始初是祭也月

今見於呂不韋書故先儒皆以為其所撰今詳考

則月令一書非戴記采於呂覽呂客拾古傳記以

攬入其書中耳未足以臘為秦所初祭名之證也

在此行也晉不更舉矣不更舉兵在此行也虞滅八

月甲午晉侯圍上陽上陽魏國都在弘農陝縣東南

左傳卷五

左傳卷五

問於卜偃曰吾其濟乎對曰克之公曰何時對曰

童謠云丙子之晨龍尾伏辰龍尾尾星也日月之

會曰辰日在尾故尾星伏不見均服振振取虢之

旂戎事上下同服振振盛貌旂軍之旌旗惠棟云

均服黑服也古戎服尚黑戰國策左師觸龍曰老

臣賤息舒祺最少不肖而臣衰竊愛憐之願令補

黑衣之數以衛王官注云黑衣戎服漢書作衲管

子大匡篇云四年脩兵同甲十萬同甲者均服之

謂也衡案旂音祈古音芹說文旂从斤聲詩小

雅庭燎旂與晨韻此與晨辰振韻段玉裁云古詩人

有合音此 鶉之賁賁天策焯焯火中成軍虢公其

奔鶉鶉火星也賁賁鳥星之體也天策傅說星時

近日星微焯焯無光耀也言丙子平旦鶉火中軍

事有成功也此已上皆童謠言也童齏之子未有

念慮之感而會成嬉戲之言似若有馮者其言或

中或否博覽之士能懼思之人兼而志之以為鑒

戒以為將來之驗有益於世教衡案齏本多作齏

云當作齏今從之 其九月十月之交乎以星驗推之知九

月十月之交謂夏之九月十月也交晦朔交會案衡

此據星辰以推時故卜偃依夏時而言之為其得

天而易通曉也下則記事正文故左氏用周正而

正之曰冬十二月丙子朔立文之 丙子旦日在尾

嚴如此而猶謂左氏混用夏正乎

月在策是夜日月合朔於尾月行疾故至旦而過

在策鶉火中必是時也冬十二月丙子朔晉滅虢

左傳卷五

左傳卷五

虢公醜奔京師，不書，不告也。周十二月，夏之十月，師還館于虞，遂襲虞滅之，執虞公及其大夫井伯，以勝秦穆姬。秦穆姬，晉獻公女，送女曰媵，以屈辱之，而脩虞祀，且歸其職貢於王，虞所命祀，故書曰：晉人執虞公，罪虞且言易也。

經六年春，王正月，夏公會齊侯、宋公、陳侯、衛侯、曹伯、伐鄭，圍新城。新城，鄭新密，今滎陽密縣。秋，楚人圍許。楚子不親圍，以圍者告，齊召南云：傳明曰：蔡穆侯將許僖公，以見楚子於武城，不得云：楚子不親圍也。衛案：諸侯救許，楚子乃還，恥其無功而避敵，故以圍者舉，經從告而傳之耳。諸侯遂救許，皆伐鄭之諸侯，故不復。

更叙冬，公至自伐鄭，無傳。正義：二十八年公會晉侯，十九年公至自圍許，此年會伐鄭，遂救許，不稱至，自救許而云至，自伐鄭與溫會友者，釋例曰：諸若此類，事勢相接，或以始致，或以終致，蓋時史之異也。此事當由公至，自告廟，所告不同，史依告而書，不為義例。衡案：公出有兩事，以其所重告廟，此救許，不與楚戰，伐鄭是主，救許是客，故以伐鄭致。二十八年圍許，重於會于溫，故以圍許致。經意各有所當，釋例非也。

傳六年春，晉侯使賈華伐屈，夷吾不能守盟而行。賈華，晉大夫，非不欲，按力不能守，言不如重耳之賢，將奔狄，卻芮曰：後出同走罪也。嫌與重耳同謀而相隨，不如之梁。梁近秦，而幸焉，乃之梁，以梁為秦所親幸，秦既大國，且穆姬在焉，故欲因以求入。

夏諸侯伐鄭以其逃首止之盟故也首止盟在五

年圍新密鄭所以不時城也實新密而經言新城

者鄭以非時興土功齊桓聲其罪以告諸侯顧炎

實密而經云新城故傳釋之以為鄭懼齊而新築

城因謂之新城也夫罪孰大於逃盟者而更責其

非時興土功不亦細乎且上文固曰以其逃首止

之盟則不煩添此一節矣衡案顧說是也如杜所

解傳文當刪所字移鄭秋楚子圍許以救鄭諸侯

字於以字下否則不通救許乃還冬蔡穆侯將許僖公以見楚子於武城

楚子退舍武城猶有忿志而諸侯各罷兵故蔡將

許君歸楚武城楚地在南陽宛縣北許男面縛銜

璧大夫衰經士輿櫬縛手於後唯見其面以璧為

贄手縛故銜之櫬棺也將受死故衰經漢書項羽

傳馬童面之張晏曰背之也師古曰面之謂背之

不面向也面縛之亦謂反背而縛之杜元凱以為

唯見其面非也衡案面訓背是也古字楚子

有相反為義者亂訓治乞訓與之類皆是也

問諸逢伯逢伯楚大夫對曰昔武王克殷微子啓

如是微子啓紂庶兄宋之祖也武王親釋其縛受

其璧而祓之祓除凶之禮焚其櫬禮而命之使復

其所楚子從之

經七年春齊人伐鄭夏小邾子來朝無傳邾犂來始

得王命而來朝也邾之別封故曰小邾鄭殺其大夫

申侯申侯鄭卿專利而不厭故稱名以殺罪之也例

左傳卷五

卷五

五

在文六年秋七月公會齊侯宋公陳世子款鄭世子  
華盟于甯母高平方與縣東有泥母亭音如甯曹伯  
班卒無傳五年同盟于首止公子友如齊無傳罷盟  
而聘謝不敏也冬葬曹昭公無傳

傳七年春齊人伐鄭孔叔言於鄭伯曰諺有之曰  
心則不競何憚於病競強也憚難也既不能彊又  
不能弱所以斃也國危矣請下齊以救國公曰吾  
知其所由來矣衡案言知齊伐鄭之所由來也齊  
之伐鄭本為逃盟與楚非由申侯  
然申侯楚人鄭伯又信轅濤塗之譖因欲以己與  
楚為申侯之謀殺之以說齊故云知其所由來  
姑少待我欲以申侯說對曰朝不及夕何以待君

夏鄭殺申侯以說于齊且用陳轅濤塗之譖也濤

塗譖在五年初申侯申出也姊妹之子為出有寵

於楚文王文王將死與之璧使行曰唯我知女女

專利而不厭予取予求不女疵瑕也從我取從我

求我不以女為罪後之人將求多於女謂嗣君

也求多以禮義大望責之女必不免我死女必速

行無適小國將不女容焉政狹法峻既葬出奔鄭

又有寵於厲公子文聞其死也曰古人有言曰知

臣莫若君弗可改也已秋盟于甯母謀鄭故也管

仲言於齊侯曰臣聞之招攜以禮懷遠以德攜離

也德禮不易無人不懷齊侯脩禮於諸侯諸侯官

受方物諸侯官司各於齊受其方所當貢天子之

物陸粲云趙子常曰此謂受所當貢霸主之物耳其後晉悼邢丘之會蓋放此為之今案齊語稱

桓公知諸侯之歸己也使輕其幣而重其禮云云亦此意也衡案十一年傳黃人不歸楚貢十二年

傳黃人恃諸侯之昧于齊也不共楚職鄭伯使大

子華聽命於會言於齊侯曰洩氏孔氏子人氏三

族實違君命三族鄭大夫君若去之以為成衡案本或

作若我以鄭為內臣君亦無所不利焉以鄭事齊

如封內臣齊侯將許之管仲曰君以禮與信屬諸

侯而以姦終之無乃不可乎子父不奸之謂禮守

命共時之謂信守君命共時事違此二者姦莫大

焉公曰諸侯有討於鄭未捷今苟有覺從之不亦

可乎子華犯父命是其釁隙對曰君若綏之以德

加之以訓辭而帥諸侯以討鄭鄭將覆亡之不暇

豈敢不懼若總其罪人以臨之總將領也子華奸

父之命即罪人鄭有辭矣何懼以大義為辭且夫

合諸侯以崇德也會而列姦何以示後嗣列姦用

子華正義管仲方云會而列姦何以示後嗣者桓公列之於會直是列其身耳管仲言列姦者

謂將用其姦謀故杜云列姦用子華也衡案桓公

用子華之謀使之列於會是為會而列姦今從管仲之諫不用其謀則子華不成為姦故經仍書鄭世子華注本不誤但其言太簡是以正義不能通

耳下記姦之位放此惠棟乃云當云用子華為內臣又云記姦之位位謂君位皆失之夫諸

侯之會其德刑禮義無國不記記姦之位位會位

也子華為姦人而列在會位將為諸侯所記君盟

替矣替廢也作而不記非盛德也君舉必書雖復

齊史隱諱亦損盛德衡案不令諸侯記之非盛德之事也君其勿許

鄭必受盟夫子華既為大子而求介於大國以弱

其國亦必不免介因也衡案孔叔欲與齊而子華諱之其姦可知矣管仲蓋

熟悉鄭有叔詹堵叔師叔三良為政未可間也齊

侯辭焉子華由是得罪於鄭冬鄭伯使請盟于齊

以齊侯不聽子華故衡案鄭伯請盟以齊侯脩禮於諸侯耳子華由是得罪於

鄭傳終言之是時鄭人未知其謀也閏月惠王崩襄王惡大叔帶之

難襄王惠王大子鄭也大叔帶襄王弟惠后之子

也有寵於惠后惠后欲立之未及而卒懼不立不

發喪而告難于齊為八年盟洮傳

經八年春王正月公會王人齊侯宋公衛侯許男曹

伯陳世子款盟于洮王人與諸侯盟不譏者王室有

難故洮曹地鄭伯乞盟新服未與會故不序列別言

乞盟夏狄伐晉秋七月禘于大廟用致夫人禘三年

大祭之名大廟周公廟致者致新死之主於廟而列

之昭穆夫人淫而與殺不薨於寢於禮不應致故僖

公疑其禮，歷三禘，今果行之，嫌異常，故書之。顧炎武云：夫人

者哀姜也，哀姜之薨，七年矣，魯人有疑焉，故不祔於姑。至是因禘而致之，不稱姜氏，承元年夫人姜氏薨

于夷之文也。衡案：鄭康成云：三年一祔，五年一禘。杜

云：禘，三年大祭之名，蓋合禘禘為一也。但鄭據禮緯

緯書雖不可盡信，亦確有不可易者焉。杜則主喪終

祭曰禘，此云秋七月禘于大廟，周七月，夏五月，則此

禘亦夏祭也。因夏祭以致夫人，仍用審諦昭穆之禮，

取其名之同也。若必待五年大祭，然後附新死者之

主，假令禘後即死，三年喪終之後，其主將焉安，故聖

人設此禮，以通其窮耳。冬十有二月，丁未，天王崩，實以前年閏

月崩，以今年十二月丁未告。

傳八年春，盟于洮，謀王室也。鄭伯乞盟，請服也。襄

王定位，而後發喪。王人會洮，還而後王位定。晉里

克帥師，梁由靡御，虢射為右，以敗狄于采桑。傳言

前年事也。平陽北屈縣西南有采桑津。梁由靡曰：

狄無恥，從之，必大克。不恥走，故可逐。里克曰：懼之

而已，無速眾狄，恐怨深而群黨來報。虢射曰：期年

狄必至，示之弱矣。夏，狄伐晉，報采桑之役也。復期

月，明期年之言驗。秋，禘而致哀姜焉，非禮也。凡夫

人不薨于寢，不殯于廟，不赴于同，不祔于姑，則弗

致也。寢，小寢，同，同盟，將葬，又不以殯過廟，據經哀

姜薨葬之文，則為殯廟，赴同，祔姑，今當以不薨于

寢不得致也。顧炎武云：邵氏曰：殯於廟，謂啓殯而朝祖也。凡柩行而止，皆謂之殯。惠棟

左傳卷五

卷五

三



云服虔曰廟謂殯宮鬼神所在謂之廟服知周法不殯于廟故以為殯宮衡案凡鬼神所在曰廟見于士喪禮此廟亦謂殯于寢不言寢而云廟者避上薨于寢之文耳服說殯是也殯既啓矣謂柩所止為殯未知出何典且柩既出朝祖之外不可謂之殯君贈焉則止蜃車拜之然此在路外亦可謂之殯乎

冬王人來告喪難故也是以緩有大叔帶之難

宋公疾大子茲父固請曰日夷長且仁君其立之

茲父襄公也日夷茲父庶兄子魚也公命子魚子

魚辭曰能以國讓仁孰大焉臣不及也且又不順

立庶不順禮遂走而退

經九年春王三月丁丑宋公御說卒四同盟夏公會

宰周公齊侯宋子衛侯鄭伯許男曹伯于葵丘周公

宰孔也宰官周采地天子三公不字宋子襄公也傳

例曰在喪公侯曰子陳留外黃縣東有葵丘秋七月

乙酉伯姬卒無傳公羊穀梁曰未適人故不稱國已

許嫁則以成人之禮書不復殤也婦人許嫁而笄猶

丈夫之冠九月戊辰諸侯盟于葵丘夏會葵丘次伯

姬卒文不相比故重言諸侯宰孔先歸不與盟甲子

晉侯詭諸卒未同盟而赴以名甲子九月十一日戊

辰十五日也書在盟後從赴正義春秋之世史失其

計諸侯之薨當具以薨之月日告於鄰國隱三年傳

曰壬戌平王崩赴以庚戌故書之是赴者妄稱日也

襄二十八年傳曰王人來告喪問崩日以甲子告故

書告之日元赴不以日被問乃稱日也文十四年傳

曰七月乙卯夜齊商人弒舍齊人定懿公使來告難  
 故書以九月是赴者不言死月魯史不復審問即書  
 以來告之月也此甲子晉侯卒蓋赴以日不以月魯  
 史不復審問書其來告之日唯稱甲子而已不知甲  
 子是何月之日故在戊辰後也若赴以九月告魯魯  
 史當推其日之先後不得甲子在戊辰後也明告不  
 以月故書其日耳惠棟云唐石經及釋文皆作危惟  
 穀梁傳作詭釋文云左傳作危又案鄭固碑云造郟  
 危辭是危與詭通衡案晉以九月甲子赴故經書之  
 九月但赴告之至魯在史書葬丘盟之後故書之戊  
 辰之後既非褒貶所關故仲尼亦因而不改耳正義  
 所舉諸文皆屬過失故傳詳言之此傳不言所以書  
 甲子於戊辰之後則其為九月冬晉里克殺其君之  
 甲子可知矣疏說非經注之意

**子奚齊**、獻公未葬、奚齊未成君、故稱君之子奚齊、受  
 命繼位、無罪、故里克稱名、  
**傳九年春宋桓公卒未葬而襄公會諸侯故曰子**

**凡在喪王曰小童公侯曰子**、在喪未葬也、小童者

童蒙幼末之稱、子者繼父之辭、公侯位尊、上連王  
 者、下絕伯子男、周康王在喪、稱予一人、釗禮稱亦  
 不言小童、或所稱之辭、各有所施、此謂王自稱之  
 辭、非諸下所得書、故經無其事、傳通取舊典之文、  
 以事相接、衡案、踰年稱君、史策正名之法、其自稱  
 成其所稱、既葬除喪之說、夏會于葵丘、尋盟且脩  
 故云、未葬也、然古無此禮、  
**好禮也王使宰孔賜齊侯胙**、胙祭肉、尊之比二王  
 後、惠棟云、服虔曰、胙、膳肉、周禮以胙膳之禮、親曰  
 兄弟之國、不以賜異姓、敬齊侯比之賓客、  
**天子有事于文武有祭事也、使孔賜伯舅胙**、天子

謂異姓諸侯曰伯舅齊侯將下拜孔曰且有後命

天子使孔曰以伯舅耄老加勞賜一級無下拜七

十曰耄級等也正義釋言云耄老也舍人云年六十稱也郭璞云八十為耄釋名云

八十曰耄耄鐵也皮黑如鐵陸粲云詩毛傳及說文釋名爾雅注皆云八十曰耄今計齊侯年亦未

應及此蓋方加優禮因過稱之衡案易稱大耄之

嗟則八十近是況毛許諸大儒根柢於古義不敢

臆斷而皆以為八十其言可從但此假以稱其

老恐不可限以年數當以釋言耄老也為正訓對

曰天威不遠顏咫尺言天鑒察不遠威嚴常在顏

面之前八寸曰咫小白余敢貪天子之命無下拜

小白齊侯名余身也恐隕越于下隕越顛隊也據

天王居上故言恐顛隊于下以遺天子羞敢不下

拜下拜登受拜堂下受胙於堂上衡案言若貪天

必為天所責罰隕隊於堂下是因天子之命以下拜

隕隊之罰天子必羞之故云遺天子羞遺貽也致

秋齊侯盟諸侯于葵丘曰凡我同盟之人既盟之

後言歸于好義取脩好故傳顯其盟辭宰孔先歸

既會先諸侯去遇晉侯曰可無會也晉侯欲來會

葵丘齊侯不務德而勤遠畧故北伐山戎在莊三

十年南伐楚在四年西為此會也東畧之不知西

則否矣言或向東必不能復西畧其在亂乎君務

靖亂無勤於行在存也微戒獻公言晉將有亂衡

存猶察也言當用意存察亂所由起晉侯乃還不復會齊九月晉獻

公卒里克平鄭欲納文公故以三公子之徒作亂

平鄭晉大夫三公子申生重耳夷吾初獻公使荀

息傅奚齊公疾召之曰以是藐諸孤言其幼賤與

諸子縣藐釋文藐妙小反又亡角反陸粲云大玄

引此傳文亦云藐小反也弱也杜以為藐遠之意非

是衡案釋文藐妙小反是讀藐為眇蓋漢儒有訓

小貌者故陸出此音也荀息傅奚齊而并託卓子

故云諸孤傳不言卓子者文省耳王引之云諸者

通非辱在大夫其若之何欲屈辱荀息使保護之

誓首而對曰臣竭其股肱之力加之以忠貞其濟

君之靈也衡案靈福也不濟則以死繼之公曰何謂忠

貞對曰公家之利知無不為忠也送往事居耦俱

無猜貞也往死者居生者耦兩也送死事生兩無

疑恨所謂正也及里克將殺奚齊先告荀息曰三

怨將作三公子之徒秦晉輔之子將何如荀息曰

將死之里克曰無益也荀叔曰吾與先君言矣不

可以貳能欲復言而愛身乎荀叔荀息也復言言

可復也顧炎武云言欲踐其言自不得愛其身衡

失說反雖無益也將焉辟之衡案言無所辟死也且人之欲善

誰不如我我欲無貳而能謂人已乎言不能止里

克使不忠於申生等冬十月里克殺奚齊于次次

喪寢書曰殺其君之子未葬也衡案未葬則尸在

君故曰其荀息將死之人曰不如立卓子而輔之

荀息立公子卓以葬十一月里克殺公子卓于朝

荀息死之君子曰詩所謂白圭之玷尚可磨也斯

言之玷不可為也詩大雅言此言之缺難治甚於

白圭荀息有焉有此詩人重言之義陸粲云李德

荀息許晉獻以言繼之以死君子猶歎斯言之玷

不可為也司馬溫公亦云獻公廢長立少荀息不

能明白理義格其非心而遽以死許之是其玷於

前而不可救於後左氏之志所以貶息而非褒也

元凱之言失其志矣衡案荀息許死在獻公將薨

之時是時申生既死二公子亦亡其當立者非奚

齊而誰且諫廢長立少當在三公子未死亡之前

而爭之垂死託孤之時不唯人情所不忍為人臣

之道恐亦不當如此然則廢長立少咎在獻公荀

息以死衛其孤非其罪也唯非其罪故經書之曰荀

晉大夫里克弑其君卓及其大夫荀息經既如此

傳何為貶之故云荀息有焉凡傳云有焉者皆褒

之辭杜齊侯以諸侯之師伐晉及高粱而還討

注不誤高粱晉地在平陽縣西南李惇云高粱一

晉亂也高梁晉地在平陽縣西南地而杜解三處

互異僖九年傳齊伐晉及高粱而還注在平陽縣

西南十五年傳明年其死於高粱之墟注在平陽

楊氏縣西南二十四年傳使殺懷公於高粱注在

平陽縣西南案平陽縣為平陽郡治今臨汾縣

也楊縣今洪洞縣也十五年注衍氏字若九年令

注則陽下脫一楊字皆當作平陽楊縣西南也

不及魯故不書前已發不書例今復重發嫌霸者

異於凡諸侯晉卻芮使夷吾重賂秦以求入卻芮

卻克祖父從夷吾者曰人實有國我何愛焉言國

非己之有何愛而不以賂秦入而能民士於何有

從之能得民不患無土衡案能與柔遠能近兄弟不相能之能同能順適也

齊隰朋帥師會秦師納晉惠公隰朋齊大夫惠公

夷吾秦伯謂卻芮曰公子誰恃對曰臣聞亡人無

黨有黨必有讎言夷吾無黨無黨則無讎易出易

入以微勸秦夷吾弱不好弄弄戲也能鬪不過有

節制衡案鬪力戲也今謂之角抵言夷吾多力長亦不改不識其他公

謂公孫枝曰夷吾其定乎公孫枝秦大夫子桑也

對曰臣聞之唯則定國惠士奇云呂覽慎大覽引以為詩詞蓋逸詩也詩

曰不識不知順帝之則文王之謂也詩大雅帝天

也則法也言文王闇行自然合天之法又曰不僭

不賊鮮不為則僭過差也賊傷害也皆忌克也能

不然則可為人法則無好無惡不忌不克之謂也

今其言多忌克既僭而賊難哉言能自定難公曰

忌則多怨又焉能克是吾利也其言雖多忌適足

以自害不能勝人也秦伯慮其還害己故曰是吾

利宋襄公即位以公子目夷為仁使為左師以聽

政於是宋治故魚氏世為左師

經十年春王正月公如齊無傳狄滅温温子奔衛蓋

中國之狄滅而居其土地晉里克弑其君卓及其大

夫荀息弑卓在前年而以今春書者從赴也獻公既

葬卓已免喪故稱君也荀息稱名者雖欲復言本無

遠謀從君於昏顧炎武云晉獻公之立奚齊以王法

之命存焉是荀息之忠同于孔父仇牧衡案晉以春

告則卓立踰年矣故書其君經捨實而正名故九年

傳先經釋之耳荀息不書字者奚齊孽子而甘

為之傳不能正其始雖為君死其義不足貴也

侯許男伐北戎無傳北戎山戎晉殺其大夫里克奚

齊者先君所命卓子又以在國嗣位罪未為無道而

里克親為三怨之主累弑二君故稱名以罪之秋七

月冬大雨雪無傳平地尺為大雪

傳十年春狄滅溫蘇子無信也蘇子叛王即狄又不能於狄衡案能狄人伐之王不救故滅蘇子奔

衛蘇子周司寇蘇公之後也國於溫故曰溫子叛

王事在莊十九年夏四月周公忌父王子黨會齊

隰朋立晉侯周公忌父周卿士王子黨周大夫晉

侯殺里克以說自解說不篡將殺里克公使謂之

曰微子則不及此雖然子弑二君與一大夫為子

君者不亦難乎對曰不有廢也君何以興欲加之

罪其無辭乎言欲加己罪不患無辭臣聞命矣伏

劍而死衡案里克欲納文公惠公知之故殺之以

克弑二君死有餘罪惠公數其罪而責於是平鄭

聘于秦且謝緩賂故不及平鄭里克黨以在秦故

不及里克俱死衡案及連累也晉侯改葬共太子共太子

申生也秋狐突適下國下國曲沃新城遇太子大

子使登僕忽如夢而相見狐突本為申生御故復

使登車為僕衡案是夢耳而傳記之如實遇太子

曰亦晉之妖而告之曰夷吾無禮正義賈逵云烝

夢是踐是也君故曰無禮馬融云申生不自明而死夷吾改葬

之章父之過故曰無禮衡案此以改葬共太子起

文馬說是也賈君惠棟引唐尚余得請於帝矣請

罰夷吾將以晉界秦秦將祀余對曰臣聞之神不

歆非類民不祀非族君祀無乃殄乎歆饗也殄絕

也且民何罪失刑乏祀君其圖之乏祀為無主祭

也衡案足利豐宋本如此諸本君曰諾吾將復請

七日新城西偏將有巫者而見我焉新城曲沃也

將因巫而見衡案申生馮巫者則巫者即是申生

見則此其許之遂不見狐突許其言申生之象亦

為夢益明沒及期而往告之曰帝許我罰有罪矣敝於韓敝

敗也韓晉地獨敝惠公故言罰有罪明不復以晉

界秦夷吾忌克多怨終於失國雖改葬加謚申生

猶忿傳言鬼神所馮有時而信衡案有罪即平鄭

之如秦也言於秦伯曰呂甥卻稱冀芮實為不從

若重問以召之三子晉大夫不從不與秦賂問聘



問之幣正義鄭玄注曲禮云問猶遺也臣出晉君君納重耳茂不

濟矣茂無也冬秦伯使冷至報問且召三子冷至

秦大夫卻芮曰幣重而言甘誘我也遂殺平鄭祁

舉祁舉晉大夫及七輿大夫侯伯七命副車七乘

正義服虔云上軍之輿帥七人屬申生者襄二十三年下軍輿帥七人往前申生將上軍今七輿大

夫為申生報怨欒盈將下軍故七輿大夫與欒氏

炫謂服言是齊召南云韋昭注國語曰七輿申生

下軍之眾大夫也說同服義阮元云陳樹華云上

字當作下前申生將上軍句上亦當作下也按閱

二年傳云公將上軍大子申生將下軍陳樹華所訂是也左行共華右行賈華

叔堅驪欵纍虎特官山祁皆里平之黨也七子七

輿大夫平豹奔秦平豹平鄭之子言於秦伯曰晉

侯背大主而忌小怨民弗與也伐之必出大主秦

也小怨里平公曰失眾焉能殺謂殺里平之黨違

禍誰能出君謂豹辟禍也為明年晉殺平鄭傳

經十有一年春晉殺其大夫平鄭父以私怨謀亂國

書名罪之書春從告阮元云公羊疏云左氏經無父字然則今諸本有父者衍文也

夏公及夫人姜氏會齊侯于陽穀無傳婦人送迎不

出門見兄弟不踰闕與公俱會齊侯非禮秋八月大

雩無傳過時故書衡案周之八月今之六月禾稼正

傳不言旱者冬楚人伐黃既釋於前也

傳十一年春晉侯使以平鄭之亂來告釋經書在

今年天王使召武公內史過賜晉侯命天王周襄

王召武公周卿士內史過周大夫諸侯即位天子

賜之命圭為瑞衡案觀禮云諸公奉篚服加命書于其上升自西階東面大史是右

侯氏升西面立大史述命是王賜諸侯命公與大史命之故王使二人也不遣大史者時或有事以

內史代之也受玉惰過歸告王曰晉侯其無後乎王賜

之命而惰於受瑞先自棄也已其何繼之有禮國

之幹也敬禮之輿也不敬則禮不行禮不行則上

下昏何以長世為惠公不終張本衡案世如賞延於世之世謂子

孫夏揚拒泉臯伊雒之戎同伐京師入王城焚東

門揚拒泉臯皆戎邑及諸雜戎居伊水雒水之間

者今伊闕北有泉亭王子帶召之也王子帶甘昭

公也召戎欲因以篡位秦晉伐戎以救周秋晉侯

平戎于王為二十四年天王出居鄭傳黃人不歸

楚貢冬楚人伐黃黃人恃齊故

經十有二年春王三月庚午日有食之無傳不書朔

官失之夏楚人滅黃秋七月冬十有二月丁丑陳侯

杵臼卒無傳遣世子與僖公同盟甯母及洮

傳十二年春諸侯城衛楚丘之郭懼狄難也楚丘

衛國都郭郭也為明年春秋侵衛傳黃人恃諸侯

之昧于齊也不共楚職曰自郢及我九百里焉能

害我夏楚滅黃郢楚都王以我難故討王子帶子

帶前年召戎伐周秋王子帶奔齊冬齊侯使管夷

吾平戎于王使隰朋平戎于晉平和也前年晉救

周伐戎故戎與周晉不和王以上卿之禮饗管仲

管仲辭曰臣賤有司也有天子之二守國高在國

子高子天子所命為齊守臣皆上卿也莊二十二

年高侯始見經僖二十八年國歸父乃見傳歸父

之父曰懿仲高侯之子曰莊子不知今當誰世案衡

王制曰次國三卿二卿命於天子一卿命於其君

正義曰次國侯伯也齊侯爵國高命於天子故謂

尊之辭耳非天子實命以為齊守臣也若節春

秋來承王命何以禮焉節時也陪臣敢辭諸侯之

臣曰陪臣王曰舅氏伯舅之使故曰舅氏余嘉乃

勲應乃懿德謂督不忘往踐乃職無逆朕命功勲

美德可謂正而不可忘者不言位而言職者管仲

位卑而執齊政故欲以職尊之惠棟云應讀曰應

古文皆以應為廣廣雅釋言云應受也王引之云

古文訓應為受說見尚書應保殷民下衡案應讀曰

廣廣受也故廣雅直訓為受督讀為篤尚書微子

之命云曰篤不忘言余嘉尚膺受女功勲美德謂

為篤不可忘也管仲受下卿之禮而還管仲不敢

杜訓督為正非以職自高卒受本位之禮王念孫云受上當有卒

禮是欲受下卿之禮也王雖不許而管仲終不敢

以上卿自居故曰卒受下卿之禮而還若無卒字

左傳

卷五

五

則與上文不相應矣自唐石經始脫卒字而各本皆治其誤杜注卒受本位之禮卒受二字即本於正文白帖五十九大平御覽人事部六十四君子引此並作卒受下卿之禮史記周本紀同

曰管氏之世祀也宜哉讓不忘其上詩曰愷悌君子

子神所勞矣詩大雅愷樂也悌易也言樂易君子

為神所勞來故世祀也管仲之後於齊沒不復見

傳亦舉其無驗顧炎武云史記索隱曰世本云莊

鳴生桓子啓方啓方生成子孺孺生莊子盧生

悼子其夷其夷生襄子武武生景子耐步耐步生

微衡案此君子蓋丘明時之人見管氏之世祀而稱贊之非縣斷於當時之辭世本武至耐步皆

諡子則又世為大夫特無賢者顯於世耳昭十一年申無字曰齊桓公城穀而置管仲焉至于今賴

之亦管氏世祀之一證杜注大謬

經十有三年春狄侵衛傳在前年春夏四月葬陳宣

公無傳公會齊侯宋公陳侯衛侯鄭伯許男曹伯于

鹹鹹衛地東郡濮陽縣東南有鹹城秋九月大雩無

傳書過冬公子友如齊無傳

傳十三年春齊侯使仲孫湫聘于周且言王子帶

前年王子帶奔齊言欲復之事畢不與王言不言

子帶事歸復命曰未可王怒未怠其十年乎不十

年王弗召也夏會于鹹淮夷病杞故且謀王室也

秋為我難故諸侯戍周齊仲孫湫致之戍守也致

諸侯戍卒于周冬晉荐饑麥禾皆不熟使乞糴于

諸侯

秦秦伯謂子桑與諸乎對曰重施而報君將何求  
 言不損秦重施而不報其民必攜攜而討焉無眾  
 必敗不義故民離謂百里與諸乎百里秦大夫對  
 曰天災流行國家代有救災恤鄰道也行道有福  
 平鄭之子豹在秦請伐晉欲為父報怨秦伯曰其  
 君是惡其民何罪秦於是乎輸粟于晉自雍及絳  
 相繼雍秦國都絳晉國都命之曰汎舟之役從渭  
 水運入河汾

經十有四年春諸侯城緣陵緣陵杞邑辟淮夷遷都於緣陵夏六月季姬及鄆子遇于防使鄆子來朝季

姬魯女鄆夫人也鄆子本無朝志為季姬所召而來

故言使鄆子來朝鄆國今琅邪鄆縣秋八月辛卯沙

鹿崩沙鹿山名平陽元城縣東有沙鹿土山在晉地

災害繫於所災所害故不繫國阮元云晉書地理志元城屬陽平郡二十

三年傳出於五鹿注亦云陽平元城縣狄侵鄭無傳冬蔡侯貜卒無傳

未同盟而赴以名

傳十四年春諸侯城緣陵而遷杞焉不書其人有

闕也闕謂器用不具城池未固而去為惠不終也

澶淵之會既而無歸大夫不書而國別稱人今此

總曰諸侯君臣之辭不言城杞杞未遷也鄆季姬

來寧公怒止之以鄆子之不朝也來寧不書而後

年書歸鄆更嫁之文也明公絕鄆昏既來朝而還

萬斯大云此鄆季姬也前此何以不書歸蓋歸于

鄆子為世子時公不自主其昏也今來寧何以不

書既詳其遇防使朝之事則來寧自見不必書也

季姬何以不繫鄆下云及鄆知為鄆子夫人也或

疑明年季姬歸鄆為始嫁之文獨不見紀叔姬之

歸鄆非始嫁亦書歸乎若以叔姬繫紀季姬不繫

鄆為疑則季姬今年已見明年歸鄆自從省文

叔姬則歸鄆不歸紀不繫紀則別一叔姬矣

遇于防而使來朝秋八月辛卯沙鹿崩晉卜偃曰

期年將有大咎幾亡國國主山川山崩川竭亡國

之徵冬秦饑使乞糴于晉晉人弗與慶鄭曰背施

無親慶鄭晉大夫幸災不仁貪愛不祥怒鄰不義

四德皆失何以守國虢射曰皮之不存毛將安傅

虢射惠公舅也皮以喻所許秦城毛以喻糴言既

背秦施為怨以深雖與之糴猶無皮而施毛陸粲

傳言昭注云諸侯謂異姓大夫曰舅然則通稱耳

也舅慶鄭曰棄信背鄰患孰恤之無信患作失援必

斃是則然矣虢射曰無損於怨而厚於寇不如勿

與言與秦粟不足解怨適足使秦強慶鄭曰背施

幸災民所棄也近猶讎之況怨敵乎弗聽退曰君

其悔是哉

經十有五年春王正月公如齊無傳諸侯五年再相

朝禮也、例在文十五年、楚人伐徐、三月公會齊侯宋

公陳侯衛侯鄭伯許男曹伯盟于牡丘、牡丘地名、闕

遂次于匡、匡衛地、在陳留長垣縣西南、公孫敖帥師

及諸侯之大夫救徐、公孫敖慶父之子、諸侯既盟次

匡、皆遣大夫將兵救徐、故不復具列國別也、夏五月

日有食之、秋七月齊師曹師伐厲、厲楚與國、義陽隨

縣北有厲鄉、惠棟云、桓十三年傳云、楚子使賴人追

遂滅賴、公羊傳于此年釋文云、厲舊音賴、則知厲與賴本

賴、公羊傳十五年釋文云、厲舊音賴、則知厲與賴本

一國、古音通、故或作厲、或作賴也、司馬彪曰、汝南褒侯縣有賴亭、故賴國、八月螽、無傳、為

災、九月公至自會、無傳、季姬歸于郕、無傳、來寧不書

此書者、以明中絕、衡案、說見十四年、己卯晦、震夷伯之廟、夷

伯魯大夫、展氏之祖父、夷諡、伯字、震者、雷電擊之、大

夫既卒、書字、冬宋人伐曹、楚人敗徐于婁林、婁林徐

地、下邳僮縣東南有婁亭、十有一月壬戌、晉侯及秦

伯戰于韓、獲晉侯、例得大夫曰獲、晉侯背施、無親、復

諫違卜、故貶絕下從眾臣之例、而不言以歸、不書敗

績、晉師不大崩、中井積德云、凡諸侯書執者、或於會

野外、陳上擒獲之、其書獲、乃其宜也、不必言從、臣例

衡案、獲執事同、而勢異、彼不敢枕、則謂之執、枕不敢

就執、則謂之獲、不言以歸者、穆姬以死要秦、伯秦伯

不敢將、晉侯以入國、舍諸靈臺、故不言以歸、皆從實

而書之耳、昭二十三年傳云、書曰、胡子髡、沈子逞、滅

獲陳夏齧、君臣之辭也、杜因彼文、橫生國君生獲、曰

左傳輯釋 卷五

以歸大夫生死皆曰獲之例解此經為下從眾臣之例不知臨陳俘敵猶田獲禽貴賤死生皆可言獲但社稷重於君國君陳沒則社稷亦亡故經舉其重書滅而傳以君臣之辭釋之即禮所謂君死於位曰滅是也豈得以為生獲之例哉

傳十五年春楚人伐徐徐即諸夏故也三月盟于牡丘尋葵丘之盟且救徐也葵丘盟在九年孟穆伯帥師及諸侯之師救徐諸侯次于匡以待之夏五月日有食之不書朔與日官失之也秋伐厲以救徐也晉侯之人也秦穆姬屬賈君焉晉侯入在九年穆姬申生姊秦穆夫人賈君晉獻公次妃賈女也正義莊二十八年傳曰晉獻公娶于賈無子

獻公娶于賈則是正妃為惠公之適母何須穆姬之屬唐尚書曰賈君申生妃故傳十年傳云夷吾無禮此為近之衡案惠說也是也而未盡焉獻公娶于賈買女雖少亦必十五六無子而烝於齊姜又當有三年四年之久齊姜生穆姬及申生其間復須三四年然後大戎狐姬生重耳小戎子生夷吾則夷吾生時賈女八年應三十左右惠公之年雖不可的知然莊二十八年獻公使之主屈而夷吾能訴築城不愼則亦成童以上則其入國之時應三十餘惠公雖無禮何必烝於此老婆以招穆姬之怨哉上淫曰烝賈君既非獻公所娶則必為申生妃申生穆姬同母弟故屬其妃傳雖不言乎可且曰得而推矣夷吾無禮謂改葬說詳於十年傳且曰盡納羣公子羣公子晉武獻之族宜二年傳曰驪姬之亂詛無畜羣公子晉侯烝於賈君又不納羣公子是以穆姬怨之晉侯許賂中大夫中大夫國

正義

卷五

五



內執政里平等既而皆背之賂秦伯以河外列城

五東盡虢略南及華山內及解梁城既而不與河

外河南也東盡虢略從河南而東盡虢界也解梁

城今河東解縣也華山在弘農華陰縣西南晉饑

秦輸之粟在十三年秦饑晉閉之糴在十四年故

秦伯伐晉卜徒父筮之吉徒父秦之掌龜卜者卜

人而用筮不能通三易之占故據其所見雜占而

言之顧炎武云卜徒父秦之卜人兼掌筮者周禮

掌於卜涉河侯車敗詰之秦伯之軍涉河則晉侯

之車敗也秦伯不解謂敗在己故詰之對曰乃大

吉也三敗必獲晉君其卦遇蠱巽下艮上蠱曰

千乘三去三去之餘獲其雄狐夫狐蠱必其君也

於周易利涉大川往有事也亦秦勝晉之卦也今

此所言蓋卜筮書雜辭以狐蠱為君其義欲以喻

晉惠公其象未聞顧炎武云邵氏曰千乘侯國之

除則三百三十三除之餘則六百六十六三除則九

百九十九三三除之餘則六百六十六三除則九

成十六年南國蹙射其元王中厥目並是夏商之

占如連山歸藏之類故不言易衡案蠱卦自三至

五為震震為車三位為諸侯大國千乘故云千乘

自初數至三始得震初爻故曰三去三去即三敗

也餘猶後也艮為鼠狐陰獸亦鼠類也六五以陰

居君位乃雄狐之象艮又為止猶獲也故曰獲

其雄狐蠱害也此以卦名釋辭言雄狐見害是

必獲其君顧引邵氏以去為除惠士奇以去為去

左傳 卷五 五

訓為遮皆非 蠱之貞風也其悔山也內卦為貞外卦為

悔巽為風秦象艮為山晉象歲云秋矣我落其實

而取其材所以克也周九月夏之七月孟秋也艮

為山山有木今歲已秋風吹落山木之實則材為

人所取實落材亡不敗何待三敗及韓晉侯車三

壞陸彛云三敗謂晉師與秦師戰而敗也杜緣上

據傳文是時晉侯未戰無由車壞三晉侯謂慶鄭

曰寇深矣若之何故云深矣惠棟據戰國策高誘

注訓深為盛非對曰君實深之可若何公曰不孫卜右慶

鄭吉弗使惡其不孫不以為車右此夷吾之多忌

步揚御戎家僕徒為右步揚卻犢之父乘小駟鄭

入也鄭所獻馬名小駟慶鄭曰古者大事必乘其

產生其水上而知其人心安其教訓而服習其道

唯所納之無不如志今乘異產以從戎事及懼而

變將與人易變易人意衡案馬懼則變常將與人

退人欲左而馬右也亂氣狡憤陰血周作張脉僨興外彊中

乾狡戾也僨動也氣狡憤於外則血脉必周身而

作隨氣張動外雖有彊形而內實乾竭進退不可

周旋不能君必悔之弗聽九月晉侯逆秦師使韓

簡視師韓簡晉大夫韓萬之孫復曰師少於我鬪

士倍我公曰何故對曰出因其資謂奔梁求秦入

用其寵為秦所納饑食其粟三施而無報是以來

也今又擊之我忘秦奮倍猶未也公曰一夫不可

狃况國乎狃怙也言辟秦則使怙來衡案怙習也

遂使請戰曰寡人

不佞能合其眾而不能離也君若不還無所逃命

秦伯使公孫枝對曰君之未入寡人懼之入而未

定列猶吾憂也列位也苟列定矣敢不承命韓簡

退曰吾幸而得囚得囚為幸言必敗壬戌戰于韓

原九月十三日晉戎馬還潁而止潁泥也還便旋

也小駟不調故陷泥中公號慶鄭慶鄭曰復諫違

卜復戾也固敗是求又何逃焉遂去之梁由靡御

韓簡號射為右輅秦伯將止之輅迎也止獲也鄭

以救公誤之遂失秦伯秦獲晉侯以歸經書十一

月壬戌十四日經從赴晉大夫反首拔舍從之反

首亂頭髮反下垂也拔草舍止壞形毀服秦伯使

辭焉曰二三子何其感也寡人之從君而西也亦

晉之妖夢是踐豈敢以至狐突不寐而與神言故

謂之妖夢申生言帝許罰有罪今將晉君而西以

厭息此語踐厭也衡案踐履也謂晉大夫三拜稽

首曰君履后土而戴皇天，皇天后土實聞君之言。羣臣敢在下風，穆姬聞晉侯將至，以天子幣弘與女簡璧登臺，而履薪焉。瑩，康公名，弘其母弟也。簡璧，瑩弘姊妹。古之宮閉者，皆居之臺，以抗絕之。穆姬欲自罪，故登臺，而荐之以薪。左右上下者，皆履柴，乃得通。傳遜云：履薪示欲自焚。衡案：使以免服，秦伯云：既而喪歸，傳說是也。

衰經逆且告，免衰經，遭喪之服，令行人服此服，迎秦伯，且告，將以恥辱自殺。衡案：行人，司寇屬官，非小臣之屬。周禮：天官內小臣職曰：后有好事於四方，則使往，此雖非好事，然既掌為后使，則其凶事亦當使之，且告者，使之告登臺踐薪之狀也。

曰：上天降災，使我兩君匪

以玉帛相見，而以興戎。若晉君朝以入，則婢子夕以死，夕以入，則朝以死，唯君裁之。衡案：釋文：正義，字為後人妄增。案：杜注：上，文且告，且告將以恥辱自殺。若有此四十二字，杜必不注。後人見傳言且告，遂妄增之耳。當定為衍文。

乃舍諸靈臺，在京兆鄂縣。周之故臺，亦所以抗絕，令不得通外內。衡案：抗本或作杜，內下有自曰：上天降災，此凡四十七字。檢古本皆無。晁杜注亦不得有。是後人加也。三十字乃釋文混入。杜注者，而又二誤。大夫請以七，大謬。今從足利本、宋本、岳本、淳熙本。

大夫請以入，公曰：獲晉侯，以厚歸也。既而喪歸焉，用之。若將晉侯入，則夫人或自殺，大夫其何有焉？何有猶何得，且晉人感憂以重我，謂反首拔舍，天地以要我。

不圖晉憂重其怒也我食吾言背天地也食消也

陸祭云按哀二十五年傳孟武伯惡郭重曰何肥也公曰是食言多矣能無肥乎然則食言者謂言

而不行若重怒難任背天不祥必歸晉君任當也

公子繫曰不如殺之無聚慝焉公子繫秦大夫恐

夷吾歸復相聚為惡子桑曰歸之而質其太子必

得大成晉未可滅而殺其君祇以成惡祇適也

惡如周鄭交惡之惡言且史佚有言曰無始禍史

成秦晉相惡之禍也佚周武王時大史名佚無怙亂恃人亂為己利無

重怒重怒難任陵人不祥乃許晉平晉侯使卻乞

告瑕呂飴甥且召之卻乞晉大夫也瑕呂飴甥即

呂甥也蓋姓瑕呂名飴甥字子金晉侯聞秦將許

之平故告呂甥召使迎己

顧炎武云呂氏也瑕其

瑕蓋兼食瑕陰二邑非姓也馬宗璉云瑕近桃子

金教之言曰朝國人而以君命賞恐國人不從故

先賞之於朝且告之曰狐雖歸辱社稷矣其卜貳

圉也貳代也圉惠公太子懷公

惠棟云貳副也坊

以事長示民不貳也故君子有君不謀仕惟卜之

日稱貳君衡案貳儲貳圉為太子故曰貳圉外傳

云其改置以代圉杜取眾皆哭哀君不還國

以解此傳文義反晦晉於是乎作爰田分公田之稅應入公者

言耳爰之於所賞之眾

正義服虔孔晁皆云爰易也賞

眾以田易其疆畔杜言爰之於

所賞之衆則亦以爰爲易謂舊入公者乃改易與  
 所賞之衆陸祭云爰國語作轅注曰易也爲易田  
 之法以賞衆漢書地理志所謂轅田注曰周制田三  
 年一易以同美惡食貨志所謂三歲更耕之自爰  
 其所是也說文作起徐鍇曰爰轅皆假借此乃正  
 字謂以田相換易也惠棟云爰田者猶哀公之用  
 田賦也下文作州兵者猶成公之車賦說文曰爰籀  
 爰作轅買遠曰轅車也田出車賦說文曰爰籀  
 文以爲車轅字春秋左傳多古字古言故以爰爲  
 轅服訓爰爲易田之法本是周制何云作也爰漢  
 書地理志曰秦孝公用商君制轅田豈亦賞衆以  
 田邪外傳所云賞衆是一時之事爰田州兵是田  
 制兵制改易之始故作也其言是也爰田州兵從前  
 法本制周制何云作也其言是也爰田州兵從前  
 無其法故使乞告二子語云呂甥教之言令國人  
 於朝曰君使乞告二子語云呂甥教之言令國人  
 足衆皆哭社稷二子其改置以代國也且賞以說  
 衆之法賞衆以田易疆界也或云轅車也爲易田  
 賦昭謂此欲賞以說衆而言以田出車賦非也今

案下文說因征縶於下乎作州兵是作州兵因衆  
 說而衆說因征縶於下乎作州兵是作州兵因衆  
 皆哭而衆皆哭因以君命賞也然則爰田之制因  
 賞而作非賞以爰田也蓋爰換也開其阡陌以換  
 井田之法也故漢書云秦孝公用商君制轅田賈  
 云易疆界蓋亦謂開阡陌也晉既以田賞衆公田  
 不足故開阡陌以益呂甥曰君亡之不恤而羣臣  
 是憂惠之至也將若君何衆曰何爲而可對曰征  
 縶以輔孺子征賦也縶治也孺子大子圉諸侯聞  
 之喪君有君羣臣輯睦甲兵益多好我者勸惡我  
 者懼庶有益乎衆說晉於是乎作州兵五黨爲州  
 州二千五百家也因此又使州長各縶甲兵衡案  
 藏於公府今欲益多初晉獻公筮嫁伯姬於秦遇  
 之故又使每州作之初晉獻公筮嫁伯姬於秦遇

**歸妹**

兌下震上歸妹之睽

兌下離上睽歸妹

上六變而為睽，史蘇占之曰不吉，史蘇晉卜筮之

史，衡案史皆能占不必言卜筮，其繇曰：士判羊，亦無益也。女承

筐，亦無貺也。周易歸妹上六爻辭也，益血也，貺賜

也，判羊士之功，承筐女之職，上六無應，所求不獲，

故下卦無血，上承無實，不吉之象也。離為中女，震

為長男，故稱士女。陸粲云：此直論上六本爻之義，未及於變卦也。杜解當云：兌為

少女，今言離為中女，誤耳。西鄰責言不可償也。將嫁女於西，而

遇不吉之卦，故知有責讓之言，不可報償。衡案：兌

口舌，互體有坎，為嶮，故云西鄰責言。震變為離，離中虛，有不足之象，故云不可償也。歸妹之

**睽猶無相也**

歸妹女嫁之卦，睽乖離之象，故曰無

相相助也。衡案：言直以卦名，震之離亦離之

卦變而氣相通，衡案：易無再變之法，而云亦離之

為雷為火，欲極言火熾之意，故反復言之耳。為雷為火為羸敗姬，羸秦

姓，姬晉姓，震為雷，離為火，火動熾，而害其母，女嫁

反害其家之象，故曰為羸敗姬。衡案：內卦為主，晉

內卦兌為水，為澤，水能克火，然火熾，反滅水，外卦

震變為離，為雷，為火，是火氣大盛，猶一杯水救一

車薪之故，曰為羸敗姬。車說其輶，火焚其旗，不

利行師，敗于宗丘，輶車下縛也。丘猶邑也。震為車，

離為火，上六爻在震，則無應，故車脫輶，在離則失

位、故火焚旗、言皆失車火之用也、車敗旗焚、故不利行師、火還害母、故敗不出國、近在宗邑、正義、服虔云、震

為龍、注、丘、與、諸、侯、旗、震、之、離、故、火、焚、其、旗、也、惠棟云、曲禮、注、丘、與、區、同、音、故、與、上、姬、旗、為、協、韻、師、古、曰、今、江、淮、田、野、之、人、猶、謂、區、為、丘、亦、古、之、遺、音、也、王引之、云、昭、十、四、年、楚、子、使、然、丹、簡、上、國、之、兵、于、宗、丘、與、此、同、名、杜、別、注、曰、宗、丘、楚、地、則、此、宗、丘、亦、晉、地、蓋、即、韓、原、之、別、名、猶、夾、谷、一、名、祝、其、虎、牢、一、名、制、也、杜、氏、春、秋、土、地、名、曰、宗、丘、邑、中、所、宗、也、則、宗、國、此、說、得、之、釋、名、釋、丘、曰、宗、丘、邑、中、所、宗、也、則、宗、丘、乃、丘、名、蓋、韓、原、之、地、有、丘、曰、宗、丘、邑、中、所、宗、也、則、宗、丘、也、衡、案、輶、伏、兔、也、縛、於、軸、上、以、承、輿、脫、之、則、輿、不、能、安、於、軸、上、充、為、解、脫、六、三、不、與、上、六、相、應、故、曰、車、說、其、輶、以、喻、晉、軍、上、下、不、相、應、援、之、意、餘、注、疏、

歸妹睽孤寇張之弧、此睽上九爻辭也、處睽是、

之極、故曰睽孤、失位孤絕、故遇寇難、而有弓矢之

警、皆不吉之象、姪其從姑、震為木、離為火、火從木生、離為震妹、於允為姑、謂我姪者、我謂之姑、謂子圍質秦、陸、粲、云、劉、用、熙、曰、震、變、為、離、是、姪、從、姑、之、象、此、但、取、男、女、為、姑、姪、非、取、長、次、之、義、也、

王、引、之、云、震、以、陽、爻、為、主、而、陽、爻、在、下、離、以、陰、爻、為、主、而、陰、爻、在、中、離、之、陰、高、於、震、之、陰、在、下、離、一、位、故、為、主、而、陰、爻、在、中、離、之、陰、高、於、震、之、陰、在、下、離、一、位、故、震、以、男、而、為、姪、以、女、而、為、姑、是、穆、姬、與、子、圍、為、姑、姪、之、象、也、此、以、交、之、高、下、為、姑、姪、其、行、輩、與、說、卦、傳、所、謂、震、為、長、男、離、為、中、女、者、殊、義、何、得、以、震、兄、離、妹、說、之、乎、凡、卦、變、而、之、他、則、曰、從、衡、案、各、本、杜、注、作、於、火、為、姑、沈、彤、云、

六年其逋逃歸其國而棄其家、逋、亡、也、家、謂、子、圍、婦、懷、羸、衡、案、自、初、數、至、六、故、於、秦、賤、也、歸、其、國、則、為、大、子、貴、也、故、曰、逃、歸、其、國、之、卦、為、睽、即、象、

明年其死於高粱之虛、惠、公、死、之、明、



年、文公入、殺懷公于高粱、高粱晉地、在平陽楊氏縣西南、凡筮者用周易、則其象可推、非此而往、則臨時占者、或取於象、或取於氣、或取於時、日旺相、以成其占、若盡附會以爻象、則構虛而不經、故略言其歸趣、他皆放此、衡案、明年謂歸國之明年、卦盡於六畫、此占本不吉、卦盡則福盡、明年在六畫之外、故曰明年其死、乾上九象曰、高而無民、是上爻有高象、明年又在上交之上、故曰死于高粱、與、圍歸國之明年、惠公死、又明年、文公殺圍于高粱、與、占違一年者、蓋史蘇約之、及惠公在秦、曰先君若從史蘇之占、吾不及此、夫韓簡侍曰龜象也、筮數也、物生而後有象、象而後有滋、滋而後有數、先君之敗德、及可數乎、史

**蘇是占、勿從何益、**言龜以象示、筮以數告、象數相因而生、然後有占、占所以知吉凶、不能變吉凶、故先君敗德、非筮數所生、雖復不從史蘇、不能益禍、陸榮云、言雖不從史蘇之占、亦何益矣、明其無救於敗也、顧炎武云、言先君之敗德、及今言之、其可悉數乎、衡案、獻公固多敗德、然韓原之禍、乃夷吾自取、非獻公敗德所致、蓋夷吾懷諫、韓簡知其不可直諫、故因其言、**詩曰、下民之孽、匪降自天、傳沓背憎、職競由人、**詩小雅、言民之有邪惡、非天所降、傳沓面語、背相憎疾、皆人競所自作、因以諷諫、惠公有以召此禍也、**震夷伯之廟、罪之也、於是展氏有隱慝焉、**隱惡非法所得、尊貴罪所不加、是以聖人

因天地之變自然之妖以感動之知達之主則識  
 先聖之情以自厲中下之主亦信妖祥以不妄神  
 道助教唯此為深冬宋人伐曹討舊怨也莊十四  
 年曹與諸侯伐宋楚敗徐于婁林徐恃救也恃齊  
 救十月晉陰飴甥會秦伯盟于王城陰飴甥即呂  
 甥也食采於陰故曰陰飴甥王城秦地馮翊臨晉  
 縣東有王城今名武鄉秦伯曰晉國和乎對曰不  
 和小人恥失其君而悼喪其親痛其親為秦所殺  
 不憚征繕以立圍也曰必報讎寧事戎狄君子愛  
 其君而知其罪不憚征繕以待秦命曰必報德有

死無二以此不和秦伯曰國謂君何對曰小人感  
 謂之不免君子恕以為必歸小人曰我毒秦秦豈  
 歸君毒謂三施不報君子曰我知罪矣秦必歸君  
 貳而執之服而舍之德莫厚焉刑莫威焉服者懷  
 德貳者畏刑此一役也言還惠公使諸侯威服復  
 可當一事之功秦可以霸正義服虔云一役者謂  
 韓戰之功衡案貳而執  
 之服而舍之以下論刑德並行之意皆韓戰中之  
 事服以一役為韓戰之役洵是杜以還惠公為當  
 一役顯與上文乖矣納而不定廢而不立以德為怨秦不其  
 然秦伯曰是吾心也改館晉侯饋七牢焉牛羊豕  
 各一為一牢蛾析謂慶鄭曰盍行乎蛾析晉大夫

對曰陷君於敗謂呼不往誤晉師失秦伯敗而不

死又使失刑非人臣也臣而不臣行將焉入十一

月晉侯歸丁丑殺慶鄭而後入丁丑月二十九日

是歲晉又饑秦伯又饋之粟曰吾怨其君而矜其

民衡案哀矜之字从予令聲與憐同唐以下訛作矜字書不復收矜字謬甚然經傳相承既久姑

依原本且吾聞唐叔之封也箕子曰其後必大晉其

庸可冀乎唐叔晉始封之君武王之子箕子殷王

帝乙之子紂之庶兄也正義宋世家箕子者紂親戚

之庶父衡案鄭說是也姑樹德焉以待能者於是秦始征晉

河東置官司焉征賦也

左傳輯釋卷五終

彥根

成瀨箕伯功

按字

